

# الاستغماية

حسين الورداني

# مؤسسة يسطرون للطباعة والنشر والتوزيع



**رئيس مجلس الإدارة**

**عماد سالم**

**المدير العام**

**أحمد فؤاد الهادي**

**مدير الإنتاج**

**أحمد عبد الحليم**

الطبعة الأولى

الكتاب : الاستغماية

المؤلف : حسين الورداني

غلاف : محمد عطية

إخراج: أحمد عبد الحليم

المقاس ٢٠ × ١٤

رقم الإيداع : ٢٠١٧ / ٢٦٩١٣

الترقيم الدولي : 3 - 576 - 776 - 977 - 978

العنوان : المكتبة والمطبعة : ٣ ش صفوت - محطة المطبعة شارع الملك فيصل - الجيزة

التليفون : ٠١٢٢٩٣٠٠٠٢٩ - ٠١١٥٧٧٦٠٠٥٢

Email: [yastoron@gmail.com](mailto:yastoron@gmail.com)

موقعنا على الفيس بوك : مؤسسة يسطرون لطباعة وتوزيع الكتب

جميع الحقوق محفوظة للمؤلف

# الإهداء

إهداء إلى ..

زوجتي الحبيبة وأبنائي

محمد و إبراهيم و مصطفى والأميرة أمل.



سوف أقص واصفاً لكم ما حدث فى هذه الليلة المشؤمة  
كما شاهدته

وسمعته فيما بعد وما تخيلته ايضاً.

كانت هذه الليلة ليس مثل كل الليالي

كان فرح أحد الأعيان فى البلد

كان الاستعداد له من أسابيع والقربة كلها، بل القرى  
المجاورة

سوف تأتى الفرحة من أجل الزمارة أو الكف والتحطيب  
- والأكل -

لم نهتم نحن أطفال النجع الشرقى بكل هذا  
فقد كنا متأهبين لمعركة مع أبناء إحدى النجوع  
كل ليلة لنا معركة مع نجع مجاور



قبل - غروب الشمس

المكان - ساحة وسط بيوت قروية ومنذرة كبيرة

أطفال سمر الوجوه من شكل ملابسهم يبدو عليهم الفقر  
ولكنهم مبتسمين

أعمارهم تتراوح ما بين ست سنوات- واثننا عشر سنة  
يحملون جريد نخل وأفرع شجر  
وطوب وأكياس تراب

الزعيم يقف فوق عتبة المنذرة

ويقول بحماس : الليلة يا رجال - الهجوم على النجع

الغربي

طفل- يرتدى جلباب ممزق، وفى يده نصف رغيف  
شمسى محشى بطبيخ بعدما ياخذ قطعة من الرغيف  
والطعام فى فمه- يصرخ معترضا : من متيين احنا بنحارب  
النجع الغربي، نسيت أولاد عمك ايه الحكاية يا جاسر



عويل مش لاقى شغلانة- دكتور الوحدة بيتحمسوا علشان  
يصلح له كهربة الصحة.

رزق بغضب: انتوا هتتخاطبوا زي بتوع مجلس الشعب-  
ارسم الخطة يا جاسر خيلنا نخلص  
فى ليلتك المطينة دي.

جاسر : هم بيلعبوا عند الجامع الحجلة بعد صلاة  
المغرب نهجم عليهم من درب ناس  
اب جعفر

- تحذير : مش عاوز حد فيكم يضرب واحد فى  
الراس أو الوش دا لعب هزار

- كل واحد يجهز سلاحه

عبد الله بصوت منخفض : يا حنين

أطفال شبه عرايا يلعبون الحجلة وسط ساحة واسعة  
بجوار جامع وبيوت متناثرة تجلس بعض النسوة أمام  
بيوتهن أمامهن سلال ملوذية يقمن بقطف أوراقها وبعض  
الرجال يجلسون على مصاطب يتفرجون على الأولاد

\* \* \*

(تعريف لعبة الحجلة)

(تتكون اللعبة من فريقين كل فريق يتكون من ٧ لاعبين  
أو أكثر أو أقل، يمسك اللاعب

رجله بيده من خلف ظهره، ويقف على رجل واحدة،  
ويتصارع بيده الأخرى مع الفريق المدافع والمطلوب من  
الفريق المهاجم توصيل العريس إلى الهدف وإن سقط العريس  
قبل الوصول خسر الفريق المهاجم وتحول الفريق المدافع إلى  
المهاجم )

\* \* \*

تبدأ اللعبة ويتصارع الأولاد ويتساقطون واحدا تلو الآخر ويصل العريس فى حماية اثنين من فريقه إلى الهدف ويصفق له الرجال ويصيح الفريق المهاجم فريحين ويستمرون فى اللعب وعند سماع الأذان يتوقفون عن اللعب وكل فريق يأخذ جانب يتعاتبون ويمسحون العرق ومنهم من يدخل الجامع يصلي بملابسهم المعلقة فى شجرة اللبخ التى تتوسط الساحة وبعد أن يخرج المصلون من الجامع يبدأ اللعب من جديد بحماس أكثر.

— ٣ —

جاسر يضع طرف جلبابه فى فمه—يقف أمام الأطفال  
ويصرخ فى حماس ويرفع العصا إلى أعلى — هجوم يا  
رجال

يندفع الأطفال كالموج خلف القائد وهم يرفعون أسلحتهم

ويصيحون — هجوم هجوم إلى الامام يا رجال

## — ٤ —

الوقت بعد غروب الشمس

شوارع ضيقة الاطفال تحمل أسلحتها وتجرى فى اتجاه  
واحد يخرج من أحد الشوارع الجانبية

رجل يركب حماره ويحمل امامه حزمة بوص، ويجر  
خلفه جاموسة يفرز الحمار من الأطفال، ويقفز فيسقط  
الرجل من على الحمار وفوقه حزمة البوص، وتفرد منه  
الجاموسة وكلما حاول الرجل الوقوف يسقطه طفل مسرع  
والرجل يسب العيال واللى خلف العيال

فى وسط الشارع

اطفال النجع الغربى منهمكين فى لعبة الحجلة  
فجأة يصرخ طفل كان يراقب الطريق... التتار... التتار  
هروب..... هروب

(هكذا نتصف نحن أطفال النجع الشرقى لشراستنا فى  
المعارك تتار النجوع)

يهجم أطفال النجع الشرقى على الغربي وهم يضربون  
فى كل من أمامهم ويترك

الأطفال ملابسهم ويفرون فى اتجاهات متفرقة

يقف أطفال النجع الشرقى وسط الساحة وهم يصيحون  
انتصرنا انتصرنا ويرفعون أسلحتهم وفجأة يظهر شباب فوق  
العشرين يحملون فى أيديهم قطع من خراطيم المياه

يحيطون بهم من كل جانب - يصرخ عبدالله : خيانة  
خيانة ويهجم عليهم الشباب ويفر الأطفال ناحية الترع  
فيجدون شبابا ينتظرونهم فوق القنطرة ومعهم عصي خيزران  
رفيعة وكل من يمر فوق القنطرة يضرب - بعض الأطفال  
يتوسلون إلى الشباب أن يتركوهم- والبعض يقفز فى الترع  
رزق يجد رجلا يركب حمارا توسل إليه

ويقول: والنبي-خدنى وراك يا عم فتحى

فيقول له الرجل: انا مش فتحى بس اركب انت عملت  
ايه وخايف من الولاد دول ليه

رزق: احنا بنحارب الصغار وضربناهم والكبار عايزين  
يضربونا ويركب ويمر امام الشباب ويخرج لهم لسانه بعد  
أن يعبر القنطرة ويقفز من خلف الرجل

ويصرخ فى الشباب بصوت عالى-يا نجع الغربى يا اولاد  
الكلبى - ويجرى شاب خلفه ولكنه يهرب منه

## العودة والهزيمة

- المكان ساحة مندررة النجع الشرقى - الأطفال يجلسون على الأرض منهم من يتألم من شدة الضرب ، ومنهم من يجفف ملابسه ومنهم من مستلقي على ظهره ويبكي باستثناء رزق الذى يضحك ويصف لهم كيف أنه ركب الحمار خلف الرجل ومر امامهم وأخرج لهم لسانه وخاطبهم وقال لهم يا نجع الغربى يا ولاد الكلبى

عبدالله يعود بعد أن غير ملابسه ويمسك العصى التى فى يد جاسر وينزعها منه بقوة ويقذفها فوق المندرة

ويقول له : لما تبقى راجل تحارب معنا انت السبب فى الهزيمة دى يا جاسر

جاسر بغضب : تقصد ايه يا عبدالله

عبد الله : أنا كنت حاسس ان فيه خيانة اشمعنى انت اللى محدش ضربك

جاسر يتلعثم : علشان انا راجل

عبد الله بغضب: مش عشان انت راجل - عشان انت  
خاين - هي دي العولة بتاعتك بعتنا لقريبك ومتضربتش  
جاسر: لا أنا هربت ومحدث لحق يضربني ، ما رزق  
متضربش يبقى خاين زيي.

رزق .. بهدوء: عندك يا جاسر الزم حدودك الكل عارف  
أناعديت ازاي وأنا بالذات لومسكوني كان موتوني،

عبدالله رزق عنده ولاء للنجع اكثر واحد فينا، دا ضرب  
ابن عمه اللي فى الغابة، علشان ضرب برسى التملي،  
وينظر إلى برسى لامؤاخذة يا برسى انت بقيت واحد من  
البلد.

برسى : يا جماعة انتوا مكبرين الموضوع احنا ياما  
ضربنا، وكل النجوع اضربت مننا، وكل النجوع بتعمل لينا  
ألف حساب إيه يعني انهزمننا فى معركة.

عبد الله ... المشكلة موش فى الهزيمة علشان إلى ضربونا  
ناس أكبر مننا.

المشكلة مين اللي عرف الشباب انها نهجم عليهم الليلة  
يا جماعة دول كانوا مستعدين لينا، افهموا.

جاسر.. ايه يثبت إنى انا اللي قلت ليهم على معياد  
الهجوم

رزق ... معاك دليل يا عبدالله

طفل .أنا شفتك.. يا جاسر.. فى القيالى عند دكان ناس  
مشالي فى النجع الغربى.

عبدالله ..يهب غاضبا...اسمع يا رزق أهو بان على  
حقيقته.

رزق ...ينظر إلى جاسر...ويقول فى ضيق : انت خاين  
يا ابو عمو وأنا مش لاعب.

مع واحد بيخون نجعه دى آخر الحروب .

ويقوم ويرمى سلاحه فوق المندره.

ويجلس بعيد عن جاسر.

ثم .. يقوم الأطفال برمي .

ما معهم من أسلحة فوق المندره.

ويلتفوا حول عبد الله ورزق.

ويتركوا جاسر وحيدا أمام باب المندره.

طفل: ياالله نروح الفرع.

رزق : الأستاذ فرغل قال اللى هشوفه فى فرح هاعبطه  
فى الطابور.

علشان الأغانى الهابطة اللى بنسمعها فى العروس

برسى .. بعصبية وآخرتها هنام من المغرب زى الفروج ،  
بطلنا لعبه الحجلة علشان .

احمد الحلبى دراعه اتكسر ، والعروس علشان خايفين  
من الأستاذ فرغل .

وكمان هنبطل حرب النجوع علشان جاسر خاين .

جاسر... يقوم ويرفع يده اليمين إلى أعلى .

ويقول بغضب متحديا برسى : أنا خاين .

يا برص لو راجل اطلع لى كباس- بكسر الكاف وفتح  
الباء الكباس نوع من أنواع المصارعة-

- يقوم ويهجم على برسى ويصرخ بغضب حتى انت يا  
تملى بتقول عليّ خاين

رزق يهب واقفا ( بهدوء ) عندك يا جاسر ، أولا هو مش  
نديك

انا واد عمك بقولك انت خاين وعارف لومديت إيدك  
على برسى هاكسرها لك

جاسر: انت أصلك الديل بتاع عبدالله ، زى بليير ديل  
بوش ، جوزك عبدالله

رزق : كل ماتسمع ليك كلمتين من اخوك تتفززك وتتفلسف  
علينا بيهم بس عبدالله ود خالتى راجل ومعروف فى كل البلد

عبد الله : حياك يا أبو خالتو

رزق ايه رأيكم نلعب الغميمة- ( الاستغمايه )- بس  
بشرط جاسر يلعب معنا

عبد الله - يبتسم - حالانيت لودعمك

رزق : علشان اللعب يحلى تعال يا جاسر

عبد الله : بعد اذنك يا رزق انا فى فريق وجاسر فى  
فريق

جاسر: أنا أصلا مش عاوز ابقى معاك وانا اتحدك

عبدالله بسخرية : هئ هئ هئ تتحدانى انا طيب  
اتكلم على قدك واختار لك فريق جاسر اختار انت الاول  
واللى عاوزه معاك بس لومسكتك هاغطس راسك فى  
الترعة

ولو انا مقدرتش هالبس طرحة أمي

عبد الله بسخرية : هي امك عندها طرحة اصلا

جاسر بغضب : سامع يا رزق قلة ادبه

رزق : حقك عليّ يا جاسر خلص فى ليلتك المطينة دي  
يا عبد الله

عبد الله : أنا معايا رزق - وبرسى- وربيع - وخليفة

- ومهدي - وشحات

جاسر: وانا معايا- فراج - وعبد الواحد - و غانم-  
وصالح - وجمال - وناصر

١. رزق : جاسر انتوا عسكر ولا حرامية

جاسر : عسكر علشان لو مسكتو هاغرقه فى البحر

رزق : الريدة باب المندرة بعد ثلاث دقائق تطيروا ورانا

يطير عبد الله وفريقه فى عدة اتجاهات منهم من يدخل

فى درب او إلى كرم نخيل او حقل ذرة

جاسر - غانم انت هتقعد فى الريدة اوعى تنام دا

تحدي وبعد ان يختفوا عن الأنظار ينطلق خلفهم جاسر

وفريقه ويبقى غانم للحراسة.

بيت ريفى من طابق واحد مبنى من الطين اللبن ،  
الظلام يخيم على المكان أمام حجرة منعزلة بها مصباح  
شاحب يجلس رجل فى الستين من عمره فوق حصيرة ،  
ويضع يديه فوق رأسه ويجواره امرأة عجوز تبكى وفتاة  
فى العشرين من عمرها مقيدة فى رجل سرير حبال وشاب  
يقتل حبل ويببدو الغضب على وجهه الفتاة تبكى وتتوسل  
يا ابا وكتاب الله أنا مظلومة

الشاب : يصرخ اخرسى يا فاجرة أنا مش عاوز اقتلك  
قدام أبوكى وامك

الفتاة : اسمع يا عامر انت تودينى لاي دكتور ولو لقان  
زى ما قال ابن عمك انا اللي هارمى نفسى فى النيل  
ولاتضيع مستقبلك

الام : وهى تبكى وتمسح دموعها بطرف الطرحة التى عليها :  
يا عامر يا ولدى مش هنخسر حاجة لو راحت للدكتور

عامر يهب غاضبا دا اخر جلعك فيها يااما مرمغت  
رؤسنا في الطين احنا مش ناقصين جرس انا هارميها البحر  
ونخلص

الاب : يا ولدى انت متأكد من كلام ابن عمك وكلام الناس  
عامر : دا شافها هي و الكلب المدرس عشيقها من غير  
هدوم يا ابويا دا وصف ليّ هدومها الداخلية.

الفتاة : اقسام بالله العظيم الاستاذ حمدي ما لمسني ايوه  
انا كنت عنده في مكتبة المدرسة باخد منه كتب وكانت  
معانا اخت خيرى نوال هو قالي انا مستعد اخطبك الليلة  
هو كان عاوز يبعث لابوه فى البندر يقابلك، وانا قلت له  
الليلة، وهو هيجى هو قال انه خايف عليّ من كلام الناس  
الام : تتوسل لابنها عامر اصبر لبعد العشا يا ولدي

( يدق الباب يترك عامر الحبال ويضعها تحت السرير  
ويقف ويقول : مين

يرد الطارق افتح يا عامر: انا خيرى

يقوم عامر بفتح الباب وهو مطاطئ الراس يدخل خيرى  
وينظر إلى عامر

ويقول : جاهز انا جبت الرفاس عند الموردي البحرية

ازيك يا عمى ازيك يا مرات عمى

الاب : شايل الطين على راسى ياولدى

خيرى: انا ممكن اتستر عليها ياعمى دى برضه صباح  
بنت عمى

صباح: حرام عليك انت علشان رفضتك تشوه سمعتى  
وانت لو راجل وعندك كرامة تجوز واحدة بعد اللى  
سمعته، نوال كانت معانا واقفه بس انكرت ليه انا مش  
عارفة، بس ربنا عالم انى شريفة، الموت اشرف لى من  
واحد زيك يلمس شعرة من راسى.

اللى أقدر اقوله: حسبى الله ونعم الوكيل فيك ياخيرى

خيرى : اناغلطان اللى عاوز امنع كلام الناس

صباح : الكلام مين اللى نشره فى البلد غيرك انت واختك

خيرى : ينظر اليها بكره، ثم ينظر إلى عامر

ويقول : له بغضب لو عاوز تعيش وراسك مرفوع انا  
مستنى فى الرفاس (وينصرف)

الاب : علشان منظمش اختك هنستنى ساعتين لو  
ماجاش يبقى الولد هرب من البلد ويبقى ذنبها فى رقبتة  
هو مش فى رقبتنا احنا

عامر: يهز راسه موافق و يمتص غضبه فى صمت

( خليفة يجرى ومهدى خلفه )

ومهدى يدخل التابوت - ضريح الشيخ مبارك

امراة تقف أمام المقام وتناجى الشيخ : سقت عليك النبي  
ياسيدى مبارك تسهلها على بنتى وتساعدها على الولادة

( مهدى - من داخل التابوت- يخشن صوته ياست انا  
شيخ مش داية )

المرأة وهى ترتعش: انا غلطانة ياسيدى مبارك انا  
عاوزة بركاتك بس

مهدى: روحى البيت هتلاقيها ولدت هجيب ولد بس  
اوعى تسميه مبارك علشان نص العيال اللى فى المدرسة  
اسمهم مبارك

المرأة : ألف شكريا أبو البركات والكرامات وتنطلق وهى  
تزغرد الولد يقف أمام الباب يناجى الشيخ : والنبي ياشيخ  
نجحنى السنة دى انا لوسقطت ابويا هيرمينى فى البحر

مهدى يخشن صوت: يعنى السنة كلها تلعب كورة  
وعاوزنى انجحك روح ذاكر انا ورايا ولادة  
( الولد يصرخ ويجرى ناحية البيوت )

مهدى يرفع ايديه وهو داخل التابوت: والنبى ياشيخ  
محدث يمسكنى من فريق جاسر وعاوز انام

( المكان بين حقول الذرة عبد الله يجرى وخلفه جاسر )

جاسر والله لو مسكتك هاغرق راسك فى التربة

عبد الله وهو يجرى : فى المشمش ، وينطلق وسط الذرة  
كالسهم ويختفى

( جاسر يقف ويتلفت يمين وشمال ولا يجد له اثر )

عبد الله يقف بجوار كوخ له باب من البوص وهو ينهج  
يسمع صوت داخل الكوخ ينظر من فتحة يجد امرأة ورجل  
عرايا يشهق عبدالله من المنظر

تحتة المرأة وهى بخوف : انا سمعت صوت يا حسن

حسن- صوت ايه هوفيه حد فى البلدفاضى كله فى  
الزمارة فى العرس دا انا لى سنة باتمنى الليلة دى من يوم  
ما شفتك وانتى فى الموردى وانا فى القارب بصيد وانت  
صورتك فى خيالى ويقبلها بحبك يا نوال

نوال - تتنهى - مش كان فى البيت احسن جوزى-

مسافربرة واخويا خيرى وراه مشكلة بيقول لازم يخلصها  
الليلة وقالى انا بايت برة

حسن بيت ايه - لا انا بحب الطبيعة

عبدالله يشعر بحركة بين الذرة يختفى خلف الكوخ

يظهر جاسر ويقف ويتلفت يمين وشمال وهو امام الكوخ  
ويسمع حركة بالداخل يظن ان عبدالله داخل الكوخ ويدفع  
الباب بعنف ويمسك فى حسن فتصرخ نوال- ويصرخ جاسر  
جاسر - يقف مذهولا ويقول بخوف انت بتعملوا ايه  
بتعملوا قلة الادب يا .....واحد

نوال - تهب واقفة - انا اتفضحت انت عاوز ايه

جاسر - انا عاوز عبدالله .....

حسن - يمسك جاسر من قفاه - وينظر اليه بغضب -  
ولا تفضحتى ولا حاجة احنا نرميه فى البحر ولا من شاف  
ولا من درى جاسر والله ما اقول لحد وانا مش عارفك اصلا  
حسن ايه رايك - يانوال

نوال : لا نقتله احسن ماجوزى يطلقنى واخويا يقتلنى

يظهر عبدالله من خلف الكوخ عبدالله يتسلل ويمسك ملابس  
حسن ونوال ويخرج خارج الكوخ بسرعة ويقف على بعد  
ويقول لو ماسبت جاسر انا داخل بالهدوم دى العرس واجرسكم

نوال - بخوف وتوسل - خد اللي انت عاوزه بس هات  
الهدوم ماتفضحنيش ياولدى

عبدالله - انا مش ولدك ياش ..... خليه ..... سييب  
جاسر الاول وانا هاسيب الهدوم نوال تتوسل سييب الولد  
يا حسن

جاسر: سييب يا ابوعلى (بسخرية)

حسن يترك جاسر - جاسر - يتجه ناحية عبد الله  
يريد ان يمسكه وقبل ان يمسكه يهرب عبدالله بالهدوم  
وهويقول(-بصوت مرتفع-) الخيانة فى دمك يا جاسر-  
وحياة امك ما هتقدر تمسكنى يا جاسر

ويجرى خلفه جاسر وحسن ونوال وهما عرايا من  
خلفه.....

المكان ساحة بها دكك وانوار زاهية ومسرح واسع مرتفع  
يجلس عليه فرقة المزمار البلدي وبعض الشباب تتدرب على  
لعبة التخطيط من اسفل، امام المسرح المذيع يمسك  
الميكرفون بصوت منخفض.. الوالو تجارب مكبرات  
صوت الشعب تحيكم.. يرفع صوته... ويعلن حضرات  
السادة اهالى البلدة جميعا يدعوكم ويتشرف بدعوة سيادتكم  
اخيكم الحاج/ سيد السباعى، وذلك بمناسبة زفاف ابنه  
الاستاذ نادر على كريمة الحاج جمعة ابوبكر، وسوف تحى  
الليلة فرقة الرئيس عبد الدايم للمزمار البلدى.

والدعوة عام للجميع برسى يجرى بين الدكك وسط  
المعازيم ويطارده صالح وفراج، صالح لف من النحية الثانية  
يا فراج

فراج.. اوقف انت هنا وهننقه فى الدرب.

فراج : يجرى خلفه ويدخل برسى البيت الذى فيه  
العرس بين النساء وهن يرقصن ويختفى.

ويقف فراج يشاهد الرقص وينسى برسى، وبعد فترة يدخل صالح ويتلفت ويجد فراج بين النساء يرقص ويجره من خلف رقبته ويقول بغضب - انت عينك زايغى زى ابوك، داوقته، يخرج برسى من بين النساء ويقوم بدفع غانم وفراج بقوة من الخلف فيسقط الاثنان فوق النساء الجالسات فيصرخن فتمسك بهما احدهن وتوسعهما ضربا ، وتقول انت مزقوق بين النسوان ليه يا بايظ ويضحك برسى ويهرب ويختفى بين البيوت.

داخل التابوت مهدى يغط فى النوم ويصدر شخير.

بعض النساء يقفن امام التابوت يقرآن الفاتحة ويسمعن شخير مهدى فتصرخ احدهن: عفريت عفريت ويهربن

المكان مندرة العمدة (العمدة يجلس وحوله اعيان البلد)  
احدهم.. سامع يا حضرة العمدة الميكرفون بيقول ايه  
الحاج سيد السباعى والحاج جمعة والاستاذ نادر ولا واحد  
فيهم حج والاستاذ نادر ما بيعرفش يكتب اسمه.  
العمدة يضحك ويقول: وانت ايه اللى مزعلك يا حاج  
عطاالله

الحاج عطاالله : انامش زعلان، بس يعنى لو قالوا العمدة  
سيد او العمدة جمعة هتزعل واللا لأ.

رجل آخر .. طبعاً يزعل وكلنا نزعل لأن البلد مليانى  
حجاج بس ما فيهاش غير عمدة واحد

العمدة.. ياريت واحد يقول انا عاوز ابقى عمدة من بكره  
اسيبها ليه

الحاج عطاالله.. يعنى تسيب العمدية اللى فى العيلة  
ليها اكثر من مئة سنة

العمدة .. هو انا عمدة.. انا مجرد موظف فى المركز  
هات فلان، هات كشوف الانتخابات خلى الاموات ينتخبوا  
زيهم زى الاحياء،.....

يرن التليفون يجرى الخفير ويرفع السماعه : الو مين،  
هنا دوار العمدة زين ا قوله مين، المامور بتاع الزمالك.

يقوم العمدة مسرعا وتسقط منه العبء ولكنه يتركها  
ويصرخ فى الخفير الله يخرب بيتك وبيت ابوك مش عارف  
مأمور المركز هات هات ويمسك السماعه ... الو ايووا فهمى  
باشا تحت امرك.. الليلة دلوقتى ايه اجيب معايا عشر  
رجال هو فيه ايه، حاضر مسافة السكة وعليكم السلام،  
يضع السماعه ويجلس مكانه ويكلم نفسه اكيد فيه مصيبة  
اول مرة المامور يطلبنى بالليل.

يقترب الاعيان منه كلهم فى نفس واحد المأمور عاوزك  
ليه فى الساعة دى العمدة هو عوزنى لوحدى دا عاوز عشر  
رجال معايا

- الحاج عطاالله يهم بالانصراف بعد اذنك يا عمدة  
احصل صلاة العشاء فى الجامع .

العمدة - كلنا هنصلى جماعة فى المركز.

هات العربية ياخفير من الحوش.

## لصوص الآثار

المكان بيت مهجور مجموعة من الرجال ملابسهم مبلولة من العرق وفي يد كل واحد منهم فأس باستثناء رجل يمسك مصباحا كهربائيا له سلك طويل وشيخ ملتحي يلبس جلبابا نظيفا وعليه عباية مزركشة - يمسك بيده سبحة وفي الاخرى خريطة ويوجه ثلاثة رجال يحفرون داخل حفرة بعمق اربعة امتار.

الشيخ يأمر الذين يحفرون بالخروج من الحفرة.

يخرجون وهم ينفضون التراب عن ملابسهم ويمسحون العرق بأطراف ملابسهم المعلقة في شجرة الجميز التي تتوسط البيت.

احدهم : ايه يا مولانا مش هنحفر تانى

الشيخ : - اللقية - الآثار على بعد خمسين سنتي

رجل آخر : ما احنا بنحفر اهو يبقى هانت يا شيخ  
علام

الشيخ علام : المشكلة كل ما تقرب الحارس يبعدها مننا ٠٠  
لازم ٠٠

رجل ثالث : لازم لازم ايه يا مولانا

الشيخ علام : لازم نرشييه ونبعده عن المكان

رجل رابع بسخرية : حتى الجن بياخد رشوة اوعى  
تكون رشوة جنسية

الشيخ علام : ياعم حسنين مش وقت هزار، هو حل  
من اتنين : دم طفل او بخور

عم حسنين : يعنى نعور عيل ونجيب شوية دم واللا  
نروح بنك الدم

الشيخ علام : لادم طفل وينقتل فى الحفرة هنا قدامنا

رجال فى صوت واحد - نقتل طفل -

رجل : يا جماعة اعتبرونى منسحب الا القتل

عم حسنين : يعنى ايه منسحب انت تفضل معانا  
للاخريا فتوح

فتوح : ولو ما فضلت معاكم هتقعدونى بالغصب

رجل اخر : ايوا بالغصب انت معاك سرنا

فتوح : يعنى موافق عالقتل ياعمران انت عندك مشا الله  
تمن عيال جيب واحد منهم نقتله هنا

عمران ٠٠- يتلعثم ٠٠نشوف الحل التانى يا شيخ علام

الشيخ علام - الحل التانى عاوزين بخور

عمران : اهو الحل - دا كويس

الشيخ علام : المشكلة ان البخور فى مصر غالى وفى  
السودان والمغرب رخيص بس الوقت مش فى صالحنا

فتوح : يعنى نشترى الغالى اللى فى مصر هو بكم  
البخور دا

الشيخ علام : فى حدود عشرين الف جنيه قابلة  
للزيادة او النقصان

عمران : احنا خمسة بس علشان اللى بيفتحوا ليهم  
يومية ولوفيه خير هيعم عالكل واللا عاوزين تدفعوا معنا

احدهم : لايا عم عمران احنا لينا يومية، احنا لينا  
سنين بندفع

فتوح : يخرج من جيبه رزمة نقود - ويقول أهى أربع  
تلاف جنيه

عم حسنين : واهم اربعة بتوعى

عمران : وآهى اربعة كمان

الشيخ علام ينظر إلى الرجلين كده ناقص تمنية

احدهم : انا ممكن اتصرف فى المبلغ بس نص ساعة  
انزل النجع

فتوح : بسرعة وحياة ابوك يا رفيع

رفيع : يلبس جلبابه وينصرف

الرجل الاخر : بصراحة انا مش هاقدر اتصرف

عمران : انا هادفع لك يا مديح اربعة بس آخدهم عشرة

مديح يهز راسه بالموافقة - ويقول - شكرا يا ابوعمو

عم حسنين : اخص عليك يا عمران هتاكل ربا يا معفن

عمران - بسخرية - : ما احنا بنفحت اساس جامع

يا مولانا - ما احنا بنسرق

ويا ريت بنسرق فلوس وبس احنا بنسرق تاريخ بلدنا

عم حسنين - بغضب - : دى مش سرقة دى لقيية

بيقولوا عليها لقيطة عمران - يسال بسخرية- : يعنى ايه

لقيطة الفلوس دى بنت حرام

فتوح - لا دا قرض من بنك توت عنخ ابوك

الكل يضحك الشيخ علام يمسك الفلوس، ويقول: بكرة  
زى دلوقتى تكونوا هنا انا هاتصل بالعطار يجهز البخور  
يخرج من جيبه المحمول و ياخذ جانب ويتكلم.

## لعن البلع

رزق وشحات يخرجان من وسط الذرة وهم ينهجان  
ويقفان تحت نخلة

رزق : وله يا شحات سامع دا صوت الكلب بتاعنا  
-شارون بيهؤهؤ

شحات : عادى يمكن فى حد معدى من عند الحوش

رزق : لا اكيد فيه حرامى

شحات : هو الحرامى هينط الحيط ويطلع البهائم من فوقها

رزق : لا انا لازم ارواح اشوف فيه ايه ابويا راح مشوار  
النهاردة وممكن يبات برة وحاجة تتسرق يقول مش سايب  
ورايا راجل.

يا اللا بينا

يجريان ويختفيان وسط الظلام

من داخل عشة مظلمة خیری ومعه رجلا ن ملثمین

احد الملثمین : خیر یا معلم خیری

خیری : یضحک - هو فیہ حد بیتفق معکم علی خیر  
یا ابو شنب

ابو شنب : فعلا انت الشر اللی بیجیبک هنا

خیری : الموضوع باختصار فیہ واحد ابن عمی باللیل  
هیرمى اخته البحر

الملثم الاخر: مش ممکن عاوزنا ننقذها

ابو شنب: اسمع للآخر یا فهیم

فهیم: اشرح یا معلم خیری هو عاوز یقتلها علشان  
سلوکها طبعاً

خیری - بدون تفصیل ابو شنب - : انت تضرب  
الشاب اللی معاها اسمہ عامر من ورا انا مش عاوزہ  
میت انا عاوزہ يتعدم انا عاوز اختہ وانا اللی اقتلها بیدی  
بعد اخذ اللی انا عاوزہ

ابوشنب - بس ولا انا ولا فهيم بنعرف عامر

خیری : انتو تستنوا هنا اول متشوفوا راجل وست  
معدین ورايحين على الموردي القبليّة ويدخل يديه في  
جيبه ويخرج رزمة فلوس وادا خمس تلاف جنیه

ابو شنب ياخذ الفلوس

فهيم : انا عاوز افهم هو مش رايع يقتل اخته ويغسل  
شرفه-وكدا كداهيتعرف ويقبضوا عليه ويتحاكم وانت تورث  
عمك-ايه لازمة الفلم دا

خیری : انا عاوز اذلها زي ما ذلتنی بدت عليا الغريب  
وانا حلفت برحمة ابويا محد يدخل عليها قبلي

ابوشنب: يعنى هي لسه بت امال اخوها هيقتلها ليه

خیری - بغيظ - : انا اللی طلعت الاشاعة دا واختی  
هی اللی ساعدتنی وصفتلی ملابسها الداخليّة وانا وصفتها  
لعامر وقلت له : عشيقها المدرس هو اللی قالی من غير  
مايعرف انی ابن عمها

ابو شنب: لا كدا انت جيت العنوان الغلط احنا حرامية  
وقتلة بس عندنا اخلاق

فهيم - بغضب - : اسمع يا خيرى انا قتلت كثير  
بفلوس ومن غير مجانى وسرقت والله ابويا سرقته وحرقت  
جناين ومحاصيل- بس عمرى ما مشيت فى وساخة  
يعنى احنا عندنا ولايا- احلفلك - انا بنط فى بيوت  
بسرقها- والاقى صاحبت البيت متعربة بغطيتها - بعد كدا  
عاوزنى افصح واحدة وهى شريفة- ياخذ الفلوس من يد  
ابو شنب- خذ فلوسك بعد اذنك ويرمى الفلوس فى وجه  
خيرى وينصرف.

ابوشنب - يا خذ الفلوس من الارض وينادى فهيم -  
فهيم- ما لوش فى الطيب نصيب بس الحق كلامه صح  
انت ندل وانا الاول اتفقت معاك على انك عاوز تغسل  
العار دا كان ليه سعر دلوقتى الكلام اتغير .

- خيرى بغضب : هاديك سبع تلاف جنيه

ابوشنب: انا دلوقتى غيرت المهنة والاسم، يعنى مش  
ابو شنب بقيت ابو قرنين، يعنى قواد

خيرى : عشرة تلاف بس بشرط البت تاجى فايقه مش  
مضروبة

ابو شنب - بسخرية - : مانا اوديها الكوافير قبل ما  
اجيبها لك

خيرى : مش قصدى انت تضرب اخوها وتجييها على  
الرفاس وتاخذ الفلوس

ابوشنب : لا يا ابوقريبه باقى الفلوس الاول اللى زيك  
ملوش امان

خيرى بغضب : يعنى انت مش ما آمنى

ابو شنب : بصراحة لأ اللى مفهوش خير لاولاد عمه  
مفهوش خير لحد

خيرى : خد الفلوس وأى غلطة انا ولا شفتك ولا اعرفك

ابوشنب بسخرية - : هى الندلة وراثه فى العيلة ولا  
حاجة خاصة بيك

خيرى بحده : لا دى عدوة اتعديت بيها من بلدكم

لص البلح

رزق وشحات يقفان بجوار الكلب تحت النخيل الكلب  
ينبح وينظر إلى اعلى رزق ينظر إلى اعلى يجد رجلا فوق  
النخلة

رزق : مين اللي فوق النخلة

اللص من فوق النخلة : امشى يا ولد بدل ما انزل  
ارميك فى البير

رزق : انا هاروح انده ابويا ياجى يكتفك فى النخلة

اللص يضحك ويقول : ابوك فى المركز

شحات : وهو لو رحت جبت ابوك هو هيستناك

رزق يضحك ويقول : والله هاحليه يستنى ابويا للصبح

ينظر إلى الكلب - شارون هيخليه فوق النخلة ويقوم  
ويربط كلبه تحت النخلة

ويقول للكلب شارون: اقعد هنا استنى العشى من فوق  
النجلة

اللىص : انت بتعمل ايه يا سيد عمك بعد الكلب وانا  
نازل رزق تنزل علشان ترمينا فى البير سلام

## قتيل في الحجز

العمدة واعيان البلد يقفون خارج حجرة مكتوب عليها  
(غرفة المأمور) يخرج منها العسكري ويطلب من العمدة  
الدخول لمقابلة المأمور.

يدخل العمدة

الحاج عطالله ، لالا اكيد فى مصيبة فى البلد الحركة  
فى المركز مش طبيعية

رجل : يعنى ايه فيه تنظيم ارهابى

الحاج عطالله : البلد فيها بلاوى كتير وانت عارف يا  
ابوربيع و مخدرات وآثار وتجارة سلاح.

ابو ربيع : لا وفيه بنات بتجوز بشهادات ميلاد مزورة

رجل : مش وقت الكلام دا يا معلم ، المكشوف يغطى  
نفسه مش يعرى غيره يا ابو ربيع واحنا كلنا فى الطل  
ولو وقعنا العمدة اول واحد هيتخلى عننا ، وهو يُشكر على  
كل حال عارف بلاووينا وساكت.

الحاج عطاالله : يعنى ممكن يعملوا كبسة على البلد  
الليلة.

ينظر إلى ابو ربيع اتصل بالولاد يدخلوا البهايم الزريبة

ابو ربيع : يخرج المحمول من جيبه وياخذ جانب

ويطلب رقم : الو ايوه يا عرفة اسمع يا حمار طلع  
البضاعة كلها من المنذرة فى حوش النخل ورش حوليها  
جركن جاز واول ما ارن عليك ولع فى الحوش كله من غير  
ماتفتح عليّ علشان انا جاى مع البوليس فهمت.

الحاج عطاالله : عد الجمال يا ابو ربيع

## جثة في الحجز

العمدة ومعه المأمور وثلاثة ضباط يدخلون غرفة معزولة ،  
على سرير يرقد شخص مغطا بملاية يزيح الضابط الملاية  
من عليه ويقول: بص يا عمدة مش هو المجرم اللي محير  
المحافظة من سنين

العمدة: قصدك الشاذلي ابو طه ، لا مش هو

المأمور بعصبية يعنى دى مش جثة محمد ابو الحسن  
الشاذلي محمد طه

الضابط - للمأمور: اهي اوراق البطاقة بتعته، اسمه  
محمد ابو الحسن الشاذلي محمد طه، ومن قريرتكم. العمدة  
مش واخذ باله واهو عندنا مطلوب القبض على محمد ابو  
الحسن الشاذلي محمد طه عليه أحكام بخمسين سنة  
سجن سرقة بالإكراه، سطو مسلح ، ونصب واحتيال ،  
وأربع قضايا نفقة.

العمدة: يا افندم دا اصلا مش متجوز واسأل الحاج  
عطية مأزون البلد اهو برة، دى جثة ولد غلبان من البلد

عمره ماطلع من البلد، دا اخواته البنات اكلن ورثه، امبارح  
جانى وعاوزنى اساعده يطلع بطاقة رقم قومى علشان يسيب  
البلد.

المأمور : يعنى الاسم خماسى و متشابه

العمدة : ايوه متشابه، اللي انتو عاوزينه اسمه نفس  
الاسم، واسم الشهرة شيحة الجن وساب البلد من سنين  
وعايش فى ٦ اكتوبر عنده قصور هناك ، وله علاقات مع  
ناس مهمة فى الدولة، انا لم اعوز مصلحة للبلد بروح له.

المأمور: ينظر إلى الضابط بغضب كنت عاوزه يعترف،  
عارف لولا ابوك زميل لى وصديق كنت قدمت تقرير  
للنيابة.

المهم يا عمدة: الجثة دى عاوزين ندفنها من غير دوشة  
فى البلد الليلة، مش عاوزين اى حد يعرف انه مات فى  
المركز، انت عارف بتوع المعارضة وحقوق الانسان، يعنى  
البلد بعد الساعة عشرة الكل يكون قافل بابه عليه.

العمدة : مش ممكن الليلة، فيه عرس هيشغل للفجر  
علشان فيه زمارة

المأمور : اتصرف يا عمدة الغى الفرغ اقبض على  
العريس، اقطع الكهرباء،....

العمدة : دول ناس لهم وضعهم فى البلد عيلة كبيرة  
وعاملين حسابهم وجايبين مكنة توليد كهربا، على كل  
ادونى ساعتين اتشاور مع اعيان البلد اهم بره، انتم اول  
متدخلوا البلد اتصل بيّ.

العمدة يخرج ويتجه نحوه اعيان البلد

الحاج عطاالله - بلهفة - : خير يا حضرة العمدة

العمدة - ينتهد - : ربنا يعدى الليلة على خير الود  
شاذلى اب طه الاهبل مات فى الحبس، ولازم ندفنه الليلة  
من غير ما حد يعرف.

الحاج عطاالله : هو ايه اللي دخله الحبس اصلا

العمدة: جى يطلع بطاقة افتكروه الشاذلى ابوالحسن  
شيحة الجن، وعاوزينه يعترف ما اعرفش مات من  
التعذيب ولاّ إيه.

الحاج عطاالله : وايه المطلوب مننا

العمدة : دفن الجثة فى سرية تامة

ابوربيع : المطلوب إن أهل البلد تنام قبل عشرة، الحل  
عندى نعمل اشاعة

العمدة: اشاعة كيف يعنى

الحاج عطاالله متسرعا - إن شاء الله نكسر رجلك ونعملك  
اشاعة

ابوربيع - بجدية - مش دا وقت هزارياحاج انا  
هاخلص الموضوع دا بس بشرط المشكلة ها وقع فيها قبل  
ما اروح القسم هيكون خبر قتل شاب فى قسم البوليس  
بالتعذيب فى جميع القنوات الفضائية والارضية.

العمدة: وايه الجديد مانا عارف كل بلاويك وساكت  
وعارف مين اللي بيبلغك بتحركات الشرطة المهم همدفنه فين.  
الحاج عطاالله : نصلى عليه فى الجامع الكبير واهله  
هم اللي يقولوا ندفنه فى اى تربة.

ابوربيع : احنا بس اللي هنصلى عليه واهله مش  
هيعرفوا غير اخواته البنات وكمان مش مهم البنات يعرفوا  
دول لو عرفن هيزغردو من الفرحة حوالى الساعة اتناشر ندفنه  
فى التربة بتاعتنا، واما موضوع الاشاعة اول مانوصل البلد  
هتسمعوا كل خير.

حد فيكم معاه نمرة الواد انور مباشر

العمدة كلنا معانا نمرة خد النمرة

(حسن ونوال بين حقل الذرة يظهر حسن وهو شبه عاري ومن خلفه تقف المرأة الشبه عارية، يتلفتا يمين وشمال يبحثان عن جاسر، وعبد الله)

المرأة : منك لله خربت بيتي انا هادخل البلد ازاي وانا عريانة .

حسن : انتى تستنينى عند الموردي وانا هاتصرف لكى فى هدوم من البر التانى علشان ميعرفش حد فى بلدكم انامعاى القارب بتاعى .

المرأة : وانا ايه اللى يضملى انك هترجع تانى

حسن : هو انا لو عاوز اسيبك دلوقتى ايه اللى يمنعنى

المرأة : دا انا اصوت والم عليك البلد واقول انك خطفتنى وعاوز تغتصبنى

حسن : هو انتى معنديكيش صاحبة تروحي عندها وتاخدى منها هدوم

المرأة : صاحبتى الوحيدة انا واخويا كنا السبب فى  
فضيحتها

حسن : مفيش حل غير انك تستنى عند الموردى وانا  
هتصرف

المرأة : بس انا اخاف من العفاريات

حسن : انا هاوصلك وارجع

حسن يفكر فى قتل عشيقته : انا محدش يعرفنى فى  
البلد دا انا اغرقها فى البحر واخلص

المرأة : بتفكر فى ايه ياحسن

حسن : بفكر فى راحتك ياللا على الموردى ويختفيان  
وسط الظلام

## الفرح

المكان ساحة الفرح يقف الرئيس عبد الدايم يعزف  
بالزمارة مقطوعات موسيقية لأم كلثوم، وشابان يلعبان لعبة  
التحطيب بشراسة، يصعد شاب يرتدى جلبابا أنيقا وعمامة  
بيضاء وبيده خيزرانة غليظة وضع يده فى جيب السديرة  
ويخرج ورقة مالية فئة المائة جنيه ويقول:

انا المعلم فنجرى احيي العريس ، الاستاذ نادر ابوعمه ،  
وابو العريس الحاج سباعى ، وابو العروس الحاج جمعة  
وجميع الاهل فرد كبير وصغير، ويردد الرئيس عبد الدايم  
خلفه وسمعنى لحن علوش.

تعزف الفرقة لحن علوش

كل الشباب الواقفين يرقصون على اللحن حتى الذين  
يجلسون على الدكك يتمايلون والنساء تزغرد من داخل  
البيت.

غانم يجلس امام باب المندرة يتثاوب.

الطفل ربيع يضع طرف جلاببه فى فمه و يتسلق سور  
حول جنينة اشجار مانجو وليمون ونخيل ، من داخله وجد  
خمسة كلاب تبدوا عليهن الشراسة عندما يجدن شخص  
يتسلق السور ، ويسقط فى الداخل تنبح الكلاب وتهجم  
عليه وسرعان ما تهز ذيلها وتتمسح به ، ويلمس ربيع  
على روؤسها ثم يدخل فى عشة بين الاشجار بها سرير  
حبال يتكلم وهو نايم على السرير ولا جاسر ولا عيلته تقدر  
تدخل هنا وتمسكنى.

من داخل سور جنينة ابو ربيع - رجالان احدهما يمسك  
فى يده جرکن جاز والاخر يحمل شوال مملؤ  
الاول - الذى يحمل الجاز - مش حرام الحشيش  
والبانجو دا كله يتحرق ببلاش يا عرابى.

عرابى : يعنى يا عرفة نخليه فى مكانه والمعلم ياخذ  
تأبيدة هو مش قالك ان فيه كبسة جايه البلد الليلة يبقى  
أکید قاصدينه.

عرفة: الحكومة والعمدة عارفين ان المعلم اكبر تاجر  
مخدرات فى المحافظة وعمره ماتمسك غير مرة واحدة  
وطلع براءة رغم ان الضابط طلع الحشيش من جيبيه .

عرابى: ازاي طلع من القضية دى

عرفة : وهو فى الحجز غير الجلابية بتاعته بجلابية  
من غير جيوب وفى النياية افرجو عنه وحققوا مع الضابط.

عرايى : بص يا عرفة انت تاخذ البضاعة دى تتاويها  
فى اى مكان وبعد كده نولع فى الجنينة

عرفة : بس المعلم قال اول ما أرن عليك ولع فى البضاعة  
ولو ما رن نعمل إيه.

عرايى : نقول له واحد رن علينا افتكرناه انت

عرفة ولو قال اشوف الرقم اللى رن على التليفون

عرايى : نحرق التليفون علشان تتطمئن

عرفة - يمسك بالبضاعة ويقول - : انا هاخبيها فى  
مكان لو دخله المعلم ميرجعش منه

عرايى : وين المكان دا

عرفة : التربة بتاعة المعلم

## محو الأمية

المكان حجرة فى بيت من الطين قديم مكتوب عليها  
فصل محو الامية وتعليم الكبار على المقاعد يجلس الشباب  
يأتى طفل ويهمس فى اذن الاستاذ ابراهيم وينصرف.

الاستاذ ابراهيم يقف ويقول لهم: الموجه جاى افتحو  
الكتاب صفحة ٢٣ اقرا يا أبو وهبة

- يفتح الكتاب - ويقراً - عقد الزواج:

تنشأ الأسرة بعقد الزواج

يلزم له هذا العقد شاهدان

- ابراهيم: يا استاذ وهبة انا مش عاوز القراءة بالتشكيل  
عاوز واحد مبيعرفش يقرأ

وهبه: كلا وألف كلا لن أهين اللغة العربية

حمد: انا اقرأ يا استاذ

- ابراهيم: اقرا يا احمد

حمد: يتتبع في القراءة - تنشال - الاسرة.

يدخل الوجه ويسلم على الاستاذ ابراهيم ويلقى السلام على التلاميذ، ثم يأمر حمد بأن يكمل القراءة.

حمد: يتتبع في القراءة - بع - بع فش بعق

الوجه - يكمل له - بعقد زواج

حمد: بعقد زواج يلزم لهذا العقد شاهدان

الوجه: ممتاز انت معرفتش تقرأ عقد وعرفت تقرأ شاهدان، اللي جنبه

- ابراهيم اقرأ يا وهبه

وهبه - يقرأ بلغة فصحة - ويتم هذا العقد بموافقتي العروس موافقة العروس شرط للزواج الوجه ينظر اليه باستغراب وهبة - يكمل - سن العروس لا يقل عن ١٨ سنة

الوجه: مين يشرح الكلام دا

بشير: يعنى من شروط الزواج موافقة العروسة

وهبه يعترض قل: العروس ولا تقل العروسة

بشير: حاضر يا ابن المقفع، وأن تبلغ الفتاة ثمانية عشر

سنة

وهبة: اهو كلام بس الواقع يختلف

الموجه مستغربا -الواقع - الواقع - يختلف ازاى

وهبة: عارف يا استاذ احنا والحكومة بنلعب الغميمة مع بعض، هى تعمل القانون وعارفه اننا هنتحايل عليه وبتساعدنا على التحايل، يعنى مثلا البنات اللى هنتجوز الليلة عندها خمستاشر سنة وطبيب الوحدة عمل لها شهادة تسنين بقى عندها عشرين سنة واخذ من ابوها خمسمية جنييه، يعنى السنة بمائة جنييه.

بشير: يعنى هى دى المشكلة اللى تعباك ما العمدة وضابط المركز عارفين اللى بتاجروا فى المخدرات و السلاح واللى بيفحرو عن الآثار، دا النجع عندنا فيه انفاق اكثر من اللى على حدود غزة، ولما الضابط يعوز قضية بيوقف فى اول البلد وى واحد بيكون مضايق العمدة ببيعتة ليه ويشيل قضية بانجو او حنة سلاح، واحنا عارفين وساكتين ما دى غميمة برضه.

الموجه : ينظر إلى الاستاذ ابراهيم ويلاحظ عليه الارتباك

الموجه : مفيش شأى يا استاذ ابراهيم للضيوف

ابراهيم: بارتباك ضيوف هم مين الضيوف

الموجه: اقصد انا الضيف

ابراهيم : أنا مجهز العشا علشانك

الموجه : انا متعشى عشى التلاميذ انا عاوز كوبية شاي

ابراهيم : حاضر وينصرف

- الموجه يقف و ينظر إلى الشباب بتمعن ويقول :

أولا اعرفكم بنفسى الاستاذ المتولى يوسف الرشيدى موجه عام على فصول محو الامية وتعليم الكبار بالمحافظة، ومعاي شهادات كثيرة وهيئات عالمية زى اليونوسيف كرمتنى.

اكبر شهادة واخدها من شارع الحياة، يعنى من كان عندى ست اسنين وانا فى السوق تاجرت فى المواشى والغنم والخضار والفاكهة واشتعلت يومية، يعنى كنت اجير فى بلدكم قبل ما تتولدوا، وفى قهاوى يعنى مشيت مع جميع فئات المجتمع ومن نظرة اعرف اقيم اللى قدامى، يعنى من السلام باليد اعرف يد المزارع من المتعلم، ومن الكلام اعرف الامى من خريج الجامعة، يعنى الامى يعرف ابن المقطف مش ابن المقفع، ينظر إلى وهبة ويقول له كلية تربية ولا دار علوم يا استاذ وهبة.

وهبه - يتلعثم - دار علوم يا استاذ

ينظر إلى حمد، وانت يا مولانا

حمد : شريعة وقانون

الموجه : يعنى ممكن تكون مأذون البلد

حمد : المأذونية عندنا مش بالشهادة بالوراثة

وينظر إلى بشير، بشير كلية تجارة من عشر سنين وعاطل.

الموجه : انا عارف ان ابراهيم شغال كويس بس ايه اللي حصل اللي خلاله يستعين بيكم

بشير : الحكاية ان العيال فى العرس ومعرفش يتلم عليهم جابنا احنا مكانهم

الموجه : يعنى خدمة انسانية ولاّ فيه مقابل

بشير: الحقيقة فيه مقابل

الموجه : المقابل ايه

حمد : العشا والشاى والشيشه الليلة عليه

الموجه : على فكرة انا مش جاى ليه مخصوص انا جاى واجب فى البلد قلت اعدى عليه بالمره اعتبرونى معرفتش حاجة، وبعد ماتت عشوا وتشيشوا قلولوا انى عارف انكم متعلمين وانا طلعت معاش من شهرين، ودا نوع من الغميمية احنا بنقول عليها استغماية.

يدخل ابراهيم يحمل براد الشاى وعدة اكواب

الموجه: ايه يا ابراهيم انت بتعمل شاي للدارسين ، دول شوية بهاييم عاوزين الضرب ، الولد دا - يشير إلى وهبة- مش عارف يكتب اسمه امال بيعمل ايه من اول السنة ، انا اخدت اسمه المرة اللي جايه لوجيت وملقيتوش بيعرف يتملا هاقل الفصل.

ابراهيم ينظر الى وهبه بتوسل

الموجه - يصرخ فيه - انت بتبص ليهم كده ليه انت خايف منهم يمكن بعد الشاي العشا وشاي تانى وشيشة ، انا ماشى بس الاسبوع اللي جاي هاكون هنا ، سلام يا شباب انا فى الفرح لوعوزتوا حاجة وينصرف. (يخرج ابراهيم معه ثم يعود)

حمد يهجم على ابراهيم : سامع الموجه بتاعك بيقول علينا بهاييم ، عارف لو ما جبت لينا عشاء كويس هنروح نضربهولك فى الفرح وهنقول ليه على كل حاجة.

ابراهيم : العشاء جاهز الله يخرب بيتكم.

## الفرح وإشاعة عالمهوا

الفرح وسط الساحة شابان يلعبان بالعصى وعلى المسرح فرقة الزمار البلدي تعزف يصعد شاب على المسرح يهمل له الجميع يرفع يديه يحيهم يمسك السماعة ويقول : طبعاً انا مش هاقول اخر الانبياء علشان احنا فى فرح وجميع الانبياء تغم ، انا المعلم انور المباشر يعنى وكالة الانبياء يعنى مراسل جميع الفضائيات احيى العريس وابو العريس ، يرن التليفون يخرج التليفون يترك سماعة المكرفون ، ويقول فاصل ونواصل الو ايوه انا انور مباشر ايه عصابة بتخطف عيال عندنا فى البلد تجارة اعضاء.

انت مين الكلام دا بيجد انا عندى مصادر أعرف اتأكد من الخبر مع السلامة ، ينهى المكالمة يعطيه الزمار السماعة ويضعها تحت ابطه ثم يتصل بشخص اخر ، الو ايوه ياعمدة صحيح الخبر اللي سمعته ، ايوه خطف العيال صحيح -لا لا محدش هيعرف ، هم كم عيل اللي اتخطفوا من البلد تلاتة بس جميع من فى الفرحة وخارجه يسمع صوته من خلال الميكرفون ، وقبل ان ينهى المكالمة-تبدلت

الزغاريد بصراخ النساء والكل ترك الفرحة يبحث عن ابنه  
او اخيه و لم يبقى فى الفرحة سوى فرقة المزمار البلدي على  
المسرح.

انور : الوقناة الجزيرة معاك أنور مباشر من موقع  
الاحداث.

\* \* \*

غانم نائم امام باب المنذرة

خليفة يتسلل ثم يجرى ناحية باب المنذرة ويصل إليها  
دون مقاومة من غانم النائم فى اول الشارع برسى يجرى  
وخلفه فراج وصالح ويصرخ فراج امسك يا غانم حلق  
حلق برسى يجرى ناحية المنذرة خليفة يقابله على راحتك  
الحارس نايم برسى يلمس باب المنذرة ويجلس من التعب  
ثم ينام على ظهره يصل فراج وصالح ويجد غانم يغط  
فى النوم ويشخر.

فراج ينظر اليه بغيظ ثم يدخل المنذرة ويحضر كوز ماء  
ويصبه على رأس غانم ويهرب الجميع إلى بيوتهم يستيقظ  
غانم مفزوع ويجرى ناحية بيته .

الشوارع تمتلئ بالآباء والامهات والكل يبحثون عن  
اولادهم

## بيت عامر

الظلام يخيم على المكان الاب والام يجلسان فى نفس  
المكان، عامر يقف وهو يضع يده فوق رأسه ووجهه إلى  
الحائط يقول: العشاء اذن من ساعة يا ابا، والجبان هرب  
وبعد ما اغرقها هاقتله.

تخرج الفتاة من غرفتها يبدو عليها الاعياء والدم ينزف  
من يدها

وتقول: عامر انا عزراك يا عامر ومسمحاك وانا انتحرت  
وعارفة الانتحار حرام، بس انتحرت علشان انقذك يا اخويا  
والله العظيم انا مظلومة، عامر اوعى تدى خيرى الامان دى  
بيكرهك وتسقط على الارض وتصرخ الأم بنتى - صباح- الاب  
نور النور يا عامر ..... عامر يقوم بإنارة البيت  
الفتاة على الأرض والدم ينزف من يدها و عامر ينظر إليها  
وهو محتار.

الباب يدق يفتح عامر الباب بسرعة وهو يرتعد يدخل  
شاب يرتدى بدلة انيقة ومعه ابوه وامه وقبل ان يلقى

السلام ينظر إلى الفتاة الملاقة على الارض ويصرخ فيه قتلتها  
يا سافل، انا لازم اوديك فى داهية ويرتمى على الارض انا  
السبب.

سمحينى يا صباح انا رحى البندر اجيب ابويا وامى  
يطلبوا ايدك.

الاب : لاحول ولاقوة إلا بالله ليه كده يا ابن هى لو  
لمؤاخذة ابني هيجى يخطبها، حرام عليك ومن قتل مظلوما  
عامر: والله هى اللى انتحرت وقطعت ايدها.

الاب: دى لسه كانت بتكلم هى انتحرت علشان خايفة  
على اخوها بعد ما يقتلها يقتلك يا ابني الشاب يضع يده  
على رقبته دى لسه عايشه فيها النفس هاتوا حاجة اربط  
درعها اوقف الدم عامر يخلع عمامته ويعطيها لحمدى  
يربط حمدي يدها يحملها على يديه ويصرخ هات العربية  
يا بابا لوسمحت بسرعة يسرع الاب إلى خارج البيت ويحضر  
السيارة.

الاب: ام حمدى اتصلى بسرعة بالدكتور حسام يسبقنا  
على المستشفى.

الام تصرخ وتلطم وجهها

الاب: ارتحت يا عامر دى حلفتك ألف مرة انها مظلومة  
وانت مش سامع غير صوت الشيطان، وخيرى

يضع حمدى وصباح في السيارة على المقعد الخلفى  
ويصرخ فى عامر تعالى اركب معانا بسرعة يركب عامر  
بجوار اخته و حمدى فى المقعد الخلفى ووالد حمدى  
يسوق السيارة بسرعة جنونية وبجواره ام حمدى

## الشيخ علام يستلم الفلوس

عم حسنين : يا شيخ علام الفلوس كلها معاك بكرة قبل  
العشاء تكون هنا.

الشيخ علام : إن شاء الله قبل المغرب هاكون هنا العطار  
قال البخور جاهز.

عمران : ما واحد مننا يا جى معاك.

الشيخ علام : يعنى انت مش واثق فيا يا عمران

عمران : مش القصد بس علشان مستعجلين وانت ممكن  
تكسل .

الشيخ علام : ان كان عليا انا مستعجل اكثر منكم دى  
خبطة العمر

فتوح : انت تقوم تروح يامولانا علشان تلاقى ليك عربية

عم حسنين : لا انت تتعشى معايّ وبعدين تمشى

عمران : يتعشى ايه ما لسه متغدى قبل المغرب

الشيخ علام : لا انا لازم استبارك من اكل عم حسنين

عم حسنين : تعالوا معانا يا فتوح وعمران

عمران : انا رايح العرس

فتوح انا رايح اروى الزرع

الكل ينصرف

\* \* \*

الاهالى وسط الحقول يحملون المشاعل وينادون على الاولاد

رجل : يا وديا فراج

امراة : يا عبد الولى

رجل اخر: شحات

امراة اخرى: يا ناصر

عرفة يدخل المقبرة

ومعه جوال المخدرات

عرابي : احنا هنسب البضاعة هنا لوحديها

عرفة : لا انا هافضل لغاية ما اكيسها وبعد كده هاروح  
اتفق مع المعلم همام المر يشلها قبل الفجر، بس شوية  
بانجو نحطهم فى النار علشان المعلم لو ماشم الريحه من  
النار مش هيصدق

عرابي : انت داهية مفيش حاجة تعديك

عرفة : اتعلمت من المعلم ابوربيع

عرابي : ياخوفى ماتغدر بيا يا عرفة

عرف : هو احتمال وارد، بس مش دلوقتى علشان انا  
لسه محتاجلك

اللص فوق النخلة يصرخ انا خلاص هوقع  
رجل يقف تحت النخلة بجوار الكلب الكلب يهز ذيله  
ويتمسح برجل

الرجل ينظر إلى اعلى مين اللي فوق النخلة  
اللص : انا حرامى وابن ستين جزمة بس ابعده الكلب  
يا ابو رزق

ابورزق باستغراب: وانت ركبت النخلة ازاي والكلب تحتها  
اللص: رزق ولدك الله يبارك فيه هو اللي ربط الكلب،  
وانا فوق انا لى اكثر من ثلاث ساعات فوق النخلة رجلى  
دابت خلين انزل واعمل اللي انت عاوزه في، بس انزل  
والله العظيم لو اموت من الجوع ما اسرق تانى

ابو رزق:- أنا هابعد الكلب وهامشى علشان مش عاوز  
اعرف انت مين ولومعاك بلح خده لعيلالك وانا مسامحك،  
انت كفاية عليك الزنقة دي ، ولو عاوز بلح تعال بالنهار.

ابو رزق يفك الحبل يجر الكلب ويربطه بعيد وينصرف  
دون ان يعرف من هو اللص

اللس: ينزل ببطئ وهو يتألم وما ان يصل إلى الارض  
تعجز قدميه عن حمله فيسقط على الارض، ثم يقوم  
ويسقط ثم يفرغ ما فى حجره من البلح تحت النخلة،  
ويمشى وهو يتألم من شدة الألم فى رجليه.

قارب صغير مربوط بهلب على الشاطئ يجلس فى  
وسطه فهيم يلمح شخص قادم نحوه يخرج مسدسه من  
جيبه ويشهره نحو القادم ويقول : انت مين

الشخص : هو فى حد بيقدر يهوب هنا غيرى

فهيم : ابوشنب خلصت المهمة وصلتهاله ، اخص على شنبك

ابوشنب : خد ياعم نصيبك خمس تالاف جنيه

فهيم : حد الله بينى وبين الفلوس دى على آخر الزمن

اشتغل قواد

ابوشنب : بلاش الكلام الكبير دا يافهيم

فهيم : هو ليها معنى تانى لما تودى واحدة لواحد

علشان ..... ، وبعد كده يقتلها علشان يشنق اخوها ، دى

مش جريمة واحدة دى تلات جرايم

ابوشنب : احنا ولا هنودى ولا هنجيب انا أخذت منه

الفلوس وجيتك علشان نروح اللى زى دا فلوسه حلال.

فهيم : والبنت اللي هتقتل ظلم

ابوشنب : هنبغ العمدة وهو يتصرف

فهيم : العمدة ولا هيعمل حاجة انت عارف بيت البنت  
اللي عاوز اخوها يقتلها بنت عمه

ابوشنب : لابس عارف اسمها صباح واخوها عامر ومهما  
قلنا اخوها مش هيصدقنا الحل الوحيد احنا نوقف ناحية  
الموردى ونهربها من اخوها.

فهيم : والله لو اخوها يوافق اجوزها

ابوشنب : انت على ذمتك اتنين عاوز الثالثة!!

فهيم : انت تروح العرس تعرف الولد اللي متهم وتهده  
لو ملحقش يخطبها والبنت ماتت احنا هنقتله هو

## حسن ونوال

(وسط الحقول حسن يقف وبجواره نوال)

حسن : نوال اول مرة قابلتك فيها كان هنا.

نوال : فاكرة من سنة.

حسن : وآخر مرة هاشوفك فيها هنا يعنى انتى كده كده اتفضحتى العيال بيعرفوكى ، وانا محدش فى بلدكم يعرفنى غيرك ، يعنى اخوكى لماهيعرف اكيد قبل ما يقتلك هيسألك مين اللى كان معاكى صاحب الهدوم

وانت اكيد هتعترفى عليّ ، وعلشان كده أنا لازم أوفر على اخوك الوقت واقتلك.

نوال تبعد وهى تبكى : حرام عليك انا عندى عيال.

حسن : بلاش كلمة حرام علشان انا وانتى آخر ناس نعرف الحلال والحرام ، انا كمان عندى عيال عاوز اربيهم وخايف على سمعتى فى بلدنا ، انا هناك راجل محترم ، ويقبض على رقبتها بيديه وتصرخ ، ثم تضربه برجلها بين

فخذيته فيصرخ من الألم، ويترك رقبتها ويمسك مكان الألم  
وتهرب منه ويطاردها وهو يتألم

فهيم : يسمع الصرخة ويتتبع الصراخ

نوال تتجه ناحية الموردي وخلفها حسن ومن خلف  
فهيم نوال تختبئ بين النخيل حسن يقف ويتلفت يمين  
وشمال ولا يجد لها اثر فهيم من على بعد يراقب حسن

البحث عن مهدي وجاسر

امراًة تنادي وسط البيوت يامهدي انت فين يا وليدى ،  
وله يافراج هومش كان بيلعب معاكم الغميمة .

فراج : ايوه كان طاير وجاسر بيجرى وراه دا حلف  
لومسكه ليغرق راسه فى المجرى .

ام مهدي تصرخ يبقى مسكه وغرق ولدي جاسر غرق  
ولدي وتصرخ بأعلى صوتها ويمتلئ النجع بالناس

شاب بغضب: فيه ايه يا عمة

ام مهدي : جاسر واد عبدالغنى غرق مهدي .

شاب يخلع جلبابه ويصرخ والله عال يا بلد، والله  
لو ابننا ما ظهر ما يكفيننا عشرة من عيلة عبد الغنى  
فيه ، هات النباييت يا ماهر واندو وواد عمك وياجوا بسرعة  
بعصيهم على المندرة بتاعتنا .

# الجنّازة

وصول الجنّازة إلى مندرّة العمدة فى سيارة نقل وأمامها  
سيارة جيب ينزل الضابط والعساكر يرحب بيهم العمدة.

العمدة : دخل الامانة جوه المندرّة الشيخ فارس يغسلها  
ونبقى نصلي عليها.

الخفر تنزل النعش وتدخله داخل المندرّة

الضابط : يعنى البلد هايصه والشوارع مليانة ناس.

الحاج عطا لله : المعلم ابو ربيع جاى يفتحها عماها.

طلع اشاعة إن فيه عصابة بتخطف العيال، تارى العيال  
بتلعب غميمية ولا عيل قاعد فى بيته الناس بيدوره على  
عيالهم.

ابو ربيع : هم عيال ليهم سنين بطلوا لعبة الغميمية  
حبكت الليلة الليلة ياعمدة ويضحك الجميع

الحاج عطا لله بجدية : ايه يا جماعة انتوا ناسين اننا  
فى جنّازة.

## سرقة الفلوس من الشيخ علام<sup>س</sup>

الشيخ علام يخرج من بيت عم حسنين، عمران يختبئ خلف شجرة امام البيت ويتسلل خلف الشيخ علام، وعندما يبتعد عن البيوت ويسير وسط الحقول يأتى عمران من خلفه يضربه على مؤخرة راسه بعصى غليظة، ويسقط الشيخ علام على الارض فيأخذ عمران من جيبه الفلوس، وقبل أن ينصرف يجد فتوح امامه.

فتوح : عد الفلوس يمكن تكون ناقصة، انا كنت متوقع انك هتعمل كده، وانا ماشى وراك من ساعة ما كنا سوى وعينك على الفلوس هى اللى خلتنى أراقبك بتقول هتروى الزرع وناسى ان البابور متعطل، اللى عملته انا كنت ناوى اعمله بس انا وانت واحد.

عمران: انت تاخذ فلوسك بس

فتوح: النص وا يلا

عمران : وا يلا ايه هتبلغ البوليس احنا فى الهوى سوى كلنا كنا بنفحر

فتوح : بس انت لوحدك اللي قتلت الشيخ وانا مصورك  
بالتليفون من اول ما هو طلع من البيت وبتضربه.

عمران: اتفضل صدق اللي قال لو قابلك تعبان وواحد  
من عيلة فتوح اقتل اللي من عيلة فتوح وسيب التعبان  
فتوح: مانتوا فى شهر رمضان بتسلسلوا زى الشياطين،  
يا لالا بينا قبل ما يفوق.

(عرفة فى المقبرة)

من داخل المقبرة الظلام يخيم على المكان عرفة يجلس  
وأمامه جوال المخدرات.

(عرفة يحلم انه باع المخدرات واستلم الفلوس)

رجل : انت معاك فى الشنطة ربع مليون جنيه يا  
معلم عرفة، لو عاوز سلاح عندنا.

المعلم عرفة: انت عملت ايه يا معلم همام مع ابوربيع  
جابلك الفلوس.

المعلم همام : اديته فرصة يومين لو ما جاب الفلوس  
هو عارف انا مين، قتلته فلوسى فى كفة وابنك الوحيد  
فى كفة.

المعلم عرفة : انت عارف إن البضاعة وحوش النخل  
والجنينة والمواشى اتحرقت.

المعلم همام يضحك: النخل والفاك والمواشى اتحرقت  
بس البضاعة ماتحرقتش لسه الزباين بتوع الكيف هم اللي  
هيحرقوها.

المعلم عرفة: قصدك ايه يامعلم

المعلم همام: انا عارف انك انت اللي اخدت البضاعة،  
احنا عاوزينك تملا مكان ابو ربيع.

نصيحة اوعى تأمن لحد حتا لو اخوك ابو ربيع كان  
يخون كل الناس ماعدا انت ونهايته كانت على ايدك،  
بالفلوس دى هتشتري قصر أبوربيع وأرضه ويمكن يشتغل  
عندك أجير.

المعلم عرفة: يتخيل نفسه جالس على مقعد وامامه  
الشيخة وابوربيع يضع له النار على المعسل وهو جالس  
تحت قدميه.

(يفق عرفة على وقع اقدام تقترب من المقبرة)

## نوال وحسن

نوال خلف نخلة وحسن يأتى من خلفها، وفى يده حبل ليف يلفه حول رقبتها وهى تحاول ان تصرخ فلا تستطيع، وتحاول ان تتخلص من الحبل الملفوف حول رقبتها فتخور قوتها وتسقط على الارض جثة هامدة.

فهيم يشعر بحركة خلف النخلة فيجد حسن وفى يده الحبل والجثة امامه فهيم يصرخ بغضب: قتلتها يا مجرم دى مظلومة، انت تستاهل الاعدام ويحاول الامساك به فيفر منه، ويجرى خلفه ناحية النهر، وقبل أن يصل إلى القارب يجد خيرى أمامه فيمسك به خيرى ويسأله: انت مين وبتجرى ليه.

حسن بخوف : فيه حرامية بتجرى ورايا.

خيرى : هم الحرامية اخدوا هدومك.

فهيم يجرى نحوهما ويخرج مسدسه من جيبه ويوجه كلامه إلى خيرى : استريحت اهو قتلها قبل ما تلمسها

خيرى مستفسرا : قتل مين وهو مين دا.

فهيم بحدّة: استهبل عليّ قتل اخته بنت عمك.

خيري : الراجل دا اول مرة اشوفه.

فهيم ينظر إلى الرجل : امال مين دي اللي قتلتها.

حسن بخوف : دي بنت عمي كانت ماشيه مشي بطال  
وقتلتها.

خيري : يعنى ضاقت بيك الدنيا جاى تقاتلها فى  
بلدنا، لو ما اخدت جثتها معاك هابلق العمدة.

حسن : خلاص انا هاروح اجيب الجثة.

فهيم : احنا هنا جى معاك.

حسن : لا خليكم هنا.

خيري : رجلنا على رجلك.

(يمشى الثلاثة ناحية الجثة)

يقف الثلاثة أمام الجثة، ينظر خيري إلى وجه القتيلة  
ويتغير وجهه عندما يجد أخته عارية ومقتولة، يخرج  
المسدس من جيبه، وينظر إلى حسن والشرر يتطاير من  
عينيه، ويصرخ قتلتها ليه.

حسن وهو مرعوب: هو انت عارفها دي عشقتى والعيال  
اخدوا هدمونا، وانا خفت من الفضيحة فقتلتها أنا...

وقبل ان يكمل كلامه كانت اربع رصاصات فى قلبه ،  
واربعة فى جسد الجثة ، ويرمى المسدس ويجلس بجوار  
الجثتين وهو يبكى ، ويضرب رأسه بيديه ، يا فضحتك  
ياخيرى .

وفهيم يقف بجواره مذهولا : يعنى البنت دى اختك  
ودا عشيقها .

بيتك من جزاز وبتحذف الناس بالطوب .

خيرى وهو يبكى : دى دعوة مظلومة هى قالتها فى  
وشى حسبى الله ونعم الوكيل فيك يا خيرى .

روح يا فهيم : الحق عامر قبل ما يقتل اخته .

فهيم : انا ما اعرفش البيت .

خيرى : البيت اللى فى وش الجامع قدامه شجرة وياربيت  
تخليها تسامحنى

(ينصرف فهيم)

ينظر خيرى إلى المسدس ثم يتناوله ، ويضعه فى راسه ثم  
يطلق رصاصة واحدة ويسقط بالقرب من جثة اخته .

يجرى الاهالى ناحية صوت الرصاص .

النساء تصوت وهى تجرى

فيجدوا الجثتين عاريتين وبجوارهما جثة خيري والمسدس  
في يده.

عبد الله يشق جموع الناس وينظر الى الجثتين ويضع  
فوقهما الهدوم.

جاسر يتسلل من خلف عبدالله ويمسكه.

عبدالله: خلاص انت اللي غالب هتفضل طول عمرك  
عيل احنا في ايه دلوقتي، اكبر بقى وخليك راجل.

صالح يجذب جاسر من يديه ويقول وهومتأثر: مصيبة  
يا ماكل ابوك العصابة خطف مهدى وبيقول إنك انت  
اللي غرقته.

جاسر بغضب: مين اللي قال اني غرقته هو انا شففته.

صالح: مين غيره، فراج فتنة.

جاسر: ابن المركوب دا غير يوقع الناس في بعضها زي  
ابوه.

والله لو قابلته لا أرميه في البير.

صالح اوه تانى هتهدد الجعجعة الفارغى بتعتك هي  
اللي جايبيلينا المصايب تعالى ندور عليه قبل البلد متولع.

جاسر: هات عبد الله يدور معانا.

صالح : يجذب عبد الله من وسط الناس ويخرج به بعيد.

عبدالله : فيه ايه يا صالح ، بطلوا لعب العيال دا.

صالح فيه مصيبة : تعالى كلم جاسر.

جاسر: لازم نلاقى مهدى.

عبدالله: والله العظيم عيال ، انت مش عارف اننا وانت السبب فى قتل المرة والراجل دا.

جاسر: احنا مالنا ، احنا قللنا لهم اعملوا قلة الادب ، راجل وسخ ومرة ش..... يستاهلوا القتل خرينا فى مصيبتى ، مهدى مش لاقينو، فراج فتنة قال لنا سوا انا غرقته ولازم نلاقيه قبل الموضوع مايكبر.

عبد الله : محدش يعرف مكانه غير خليفة ، تعالوا ورايا.

فى المستشفى عامر ينام على سرير وبجواره تنام صباح  
على سرير اخر، وحمدى يقف مع ابوه وامه ويبدو عليهم  
القلق، يدخل الطبيب.

حمدى : خير يا دكتور حسام.

حسام : الحمد لله مرحلة الخطر عدت انتوا لو اتاخرتوا  
ربع ساعة كان دمها اتصفى والحمد لله لقينا فصيلة دم،  
انا مش فاهم حاجة، مين دى يا حمدى ؟

حمدى : دى حكاية طويلة

دكتور حسام : بص يا حمدى انا قبل ما اكون خالك  
ابوك صديق عمرى وهو عرفنى كويس افهم قبل ما اتصل  
بالبوليس هى انتحرت واللا حد حاول يقطع الشرايين.

أم حمدى : البنت دى خطيبة حمدى واهلها عاوزين  
يجوزوها ابن عمها خيرتهم بين حمدى أو الانتحار

د - حسام : طول عمرك تحبى الاختصار يا سامية

سامية : وانت طول عمرك تحب التفاصيل

د-حسام : ومين اللي اتبرع بالدم ليها ؟

حمدى : دى عامر اخوها

د-حسام : هى معاها ربع ساعة حتى تفوق من البنج

- بس اخوها دا نايم الظاهر مانامش من فترة

تعالوا المكتب لما تصحى نسمع منها.

(المقبرة)

المكان المقابر ظلام يخيم على المكان نور كلوب يقترب يظهر العمدة وابوربيع والحاج عطا الله، وضابط المركز وخلفه خمسة عساكر، وأربعة من الخفر يحملون نعش وبضعة رجال يقف ابوربيع امام مقبرة ويرفع يديه ويقرأ الفاتحة على ارواح أمواته.

العمدة : ينظر إلى الخفر ويأمرهم بوضع النعش على الارض، نزلوا الأمانة هنا، أبوربيع : افتح الباب  
أبوربيع : ياخذ الكلوب ويقترب من الباب ويعطى الخفير المفاتيح ويشير عليه بمفتاح المقبرة.

الخفير: يفتح الباب ويدخل ثم يخرج مسرعا وهو يصرخ فيه واحد جوه الميت صحى.

الضابط : ايه التخاريف دى اوعى ياعمدة يدخل المقبرة ويخرج ومعه عرفة وجوال المخدرات

الضابط : مين دا ياعمدة.

العمدة : (ينظر إلى أبو ربيع) دا شغال عند ابو ربيع.

ابوربيع : كان شغال عندى لما عرفته ماشى بطل طردته.

عرفة: وهو يبكى البضاعة دى بتاعت المعلم وقاللى احرقها.

ابوربيع : فعلا انا لما لقيتها معاه قلت له بدل ماتضر الشباب احرقها.

عرفة: هو لما عرف ان البوليس داخل البلد اتصل بيا وقال لى احرقها وهو فى المركز.

الضابط : لو اتصل بيك وقال لك كده احنا هنجيب من شركة المحمول تسجيل المكالة ونعرف هو صاحب المخدرات واللا انت.

ابوربيع : (ويضحك) وبالمره يجيب تسجيل المكالة اللى فيها المأمور بيقول فيه واحد مات فى الحجز من التعذيب وهو بيكلم العمدة.

الضابط : يعنى انت بتهددني يا ابن ال.....

ابوربيع بغضب : الزم حدودك، اسمع ياباشا الجثة مش هتدفن قبل ماخذ البضاعة بتاعتى وامشى.

الحاج عطا الله ينظر إلى العمدة ويقول : ايه رأيك يا عمدة  
ندفن ولا ندخل فى سين وجيم.

العمدة : الباشا هو اللي يجاوب

الضابط ينظر إلى أبو ربيع بكراهية : ندفن يا عمدة.

العمدة : ياخذ المخدرات من الضابط ويعطيها لابو ربيع  
ويقول : اكرام الميت دفنه

ابوربيع : ياخذالجوال ويعطيه للخفير.

ويقول له خفير حجاجى : وصل البضاعة دى البيت  
انا هادفن وجاى ، وينظر إلى عرفة وانت يا سافل لو شفتك  
فى البلد هارميك للكلاب ان شاء الله تبات فى البلد الليلة.

العمدة : ادخل يا حاج عطا الله ونزل الامانة.

## حريق ربيع

النيران تشتعل فى جنينة ابو ربيع وبعض الاهالي  
تصوت والبعض يحمل جرادل الماء  
من داخل النيران صوت استغاثة طفل: الحقونى.

رجل : دا فيه عيل وسط النار

رجل اخر: يا ليلة سودة دا ربيع ابن المعلم، واحد  
يتصل بالمطافئ

رجل ثالث: دى لغاية متجى المطافئ تكون البلد كلها  
اتحرقت

ربيع يصرخ وسط النار: الحقنى يا بويا

النار تشتعل فى اشجار النخيل العالية الشرار يتطاير  
ويصل إلى قصر المعلم ابو ربيع

رجل: القصر ولى لو ماطفينا النار من قصر المعلم بيوت  
البلد كلها هتطولها النار

رجل : يصرخ واحد يجيب خرطوم.

رجل آخر: واحد يجيب جردل

رجل ثالث : الليله واحد يجيب واحد يتصل لغاية  
البلد ماتتتحرق كلها.

رجل: يعنى نعمل ايه نرمى نفسنا فى النار علشان  
تاجر مخدرات.

الرجل الثالث : سبحان مقلب القلوب الليلة يعنى اللى  
عرفته تاجر مخدرات طول عمرك صاحبه ،

تصل عربة المطافئ ، وبسرعة ياخذ رجال المطافئ أماكنهم  
ويسيطرون على الحريق.

رجل باستغراب : الله هم بتوع المطافئ يعنى جوه من  
غير ماحد يتصل بيهم ، فى اي حريقة فى البلد كنا نتصل  
بيهم اكثر من خمسين مرة ولا بيعبرونا!!

رجل : الغريبة عرفوا ازاى دول اتحركوا من المركز من  
تلت ساعة مسافة السكة والحريقة ليها ربع ساعة يعنى  
عارفين ان فيه حريقة فى البلد.

رجل: يمكن جابوها من الكنترول

رجل: لا لا دا العلم تقدم.... دى الحمير بتعرف الزلزال  
قبل وقوعه بساعات.

عراىى يظهر من بعيد يصرخ : يا خراب بيتك يا ابو  
ربيع شقى عمره ضاع.

رجل: المصيبة يا عرابى ان ربيع جوه ا لجنينة مش  
عارفين ايه اللى حصله.

رجال المطافئ يخرج جثة ربيع متفحمة

رجل المطافئ : هو اهله فين ؟

عراىى : وهو يبكى امه مطلقة وابوه راح مشوار فى المركز  
مع العمدة.

رجل المطافئ : واحد فيكم يتصل بيه .

عراىى : هو ما بيديش رقمه لحد انا هادور عليه

## ٣٢

المعركة بين عائلة مهدي وعائلة جاسر عائلة مهدي ترفع  
النبابيت وتتجه ناحية عائلة جاسر فتجدهم مستعدون للمعركة.

رجل : اسمع يا عبد الغنى لو ابنك ماقلش ودا ولدنا وين  
احنا مش هيقتضينا عشرة من عيلتكم.

عبد الغنى : احترم نفسك يا اسماعيل ابني هيكتل  
ابنك ليه.

اسماعيل : انا ما عرفش ليه ، بس العيال بقولوا ان ابنك  
حلف يغرقه.

رجل من عائلة عبد الغنى هو ابننا مش عارفينوا وين  
يمكن ابنك هو اللي غرقه.

اسماعيل : اسكت يا جربوع انت لما الكبار يتكلموا اللي  
زيك يحط مركوب فى خشمه.

الرجل : انا جربوع ياراجل ياناقص ويرفع نبوته ويهجم  
على اسماعيل فيرفع الكل النبابيت وتبدأ المعركة

(العمدة والخفر والضابط والعساكر والأعيان يخرجون من المقابر)

العمدة : يمسك الضابط من يده ، انت اول مرة تيجى البلد لازم تتعشى معانا الليلة.

الضابط: لايا عمدة الليلة لازم نرجع بسرعة نشوف لينا اى قضية.

العمدة : لو على القضايا ممكن ندبر ليك كم قضية.

الضابط ينظر إلى ابو ربيع بغیظ ويقول : متتسرعجلش يا عمدة انا هجيب قضايا من البلد كتير.

أبو ربيع : ربنا اديك طولت العمر يا باشا.

الضابط : قريب إن شاء الله

ابوربيع : يا باشا حد ضامن عمره يمكن تحصلك حاجة وانت ما شى فى الطريق ، من شهر فيه ضابط كان فى المركز وبيقول انا هاعمل واعمل فى نفس اليوم اتنقل السلوم.

الضابط : حتى انا لو اتنقلت هوصى اللي هيمسك مكانى.  
العمدة : ايه يا باشا انت هتوصى على البلد ما اهو  
الامن مستتب.

الضابط : واضح يا عمدة

(جثة فى الطريق)

خفير يا حضرة العمدة: بص ايه اللي ورا الشجرة.

العمدة : يا ليلة سودة الظاهر دا قتل

يقترب العمدة والضابط والاعيان من القتل.

أبو ربيع : يضع يده على رقبة الرجل: دا مغمى عليه

الضابط يقترب من وجه الرجل الملقى على الأرض :  
الامن مستتب يا عمدة ايه جاب الرجل دا هنا

العمدة : على اليمين انا ما بعرفه دا غريب عن البلد.

الحاج عطية: دا الشيخ علام صاحب حسنين الجرجاوى.

الضابط : دا أكبر نصاب فى الصعيد هى البلد فيها اثار

العمدة : هو تاجر اثار والا حرامى اثار

الضابط : دا نصاب عالمى بيعمل نفسه مرة شيخ، مرة  
مدرس، مرة دكتور، مرة تاجر، وشكله عامل شيخ وضحك  
. ليه على مغفل واخذ فلوسه وحرامى ضربه

العمدة: هو مطلوب القبض عليه يا باشا .

الضابط : ايو دا عليه ولا عشرين قضية.

ابو ربيع : اهى فرجت يا باشا رزقك فى رجلك.

الضابط: لادا رزق العمدة ، خده ياعمدة وبكرة تسلمه

المركز، بيقولو ليك سنين ماجبت قضية المركز

العمدة: يأمر الخفر بحمله إلى الدوار.

## ٣٤

( جاسر وعبد الله وصالح امام احد البيوت )

جاسر: وهو يضع يده على جدار البيت : خبط على  
ابن السافل دا.

صالح يخبط على الباب : خليفة

صوت خليفة من داخل البيت : مين

صالح: كلم يا خليفة.

يخرج خليفة وهو يفرك عينيه : فيه ايه يا صالح.

عبد الله بغضب : هو النائم دا هيعرف حاجة.

جاسر: وين مهدي يا خليفة.

خليفة : انت مش قدرت تقبض عليه وعاوزني اقولك  
هو وين روح دور عليه.

جاسر: شايف ابن المر.....

عبدالله: يقاطعه ايه يا جاسر انت هتسب ليه قدام بيته ينظر الى خليفة: يا خليفة ناس مهدى متهمين جاسر انه غرقه.

خليفة: والله لو ماقال انا مرة ماقول هو وين.

جاسر: انا اقول انا مرة عارف لومش قدام بيتكم كنت غرقتك

صالح: تانى تغرق مش لما نخلص من المصيبة دى.

عبد الله: علشان خاطرى يا ابو عمتو.

خليفة: علشان خاطرک انت وصالح هادخل اجيب الشبشب.

جاسر: اطلع حافى هو انت لودست العقرب تموتها

خليفة: ياللا بينا

عبد الله ينظر إلى جاسر: جاسر انت خليك بعيد عن ارض المعركة.

المعركة مستمرة بين عائلة جاسر وعائلة مهدى بجوار مقام الشيخ مبارك

يدخل صالح المقام ويدخل راسه داخل التابوت.

وينادى بصوت مرتفع: مهدى مهدى اصحى ياماكل ابوك دا مكتول اصحى يامهدى

مهدي يصحو ويخرج من التابوت وهو يفرك عينيه  
ويقف امام عتبة المقام يتفرج على المعركة

ابو مهدي يلحبه يتفرج : يصرخ فى رجال عائلته  
خلاص يارجال أنا لقيت ولدى كله ينزل عصايتيه ويجرى  
ناحية ابنه ويحتضنه.

عبدالغنى والد جاسر: انتوا لقيتوا ولدكم انا عاوز اعرف  
ودا ولدى وبين

مهدي : والله ما شفته

صالح : عم عبغنى جاسر راح البيت

جاسر: يخترق الرجال ويمسك فى مهدي وهو يضربه  
انا غرقتك يا.....

يخلصه ابوه منه وهو يضحك : خلاص يا جاسر احنا  
غلطانين.

يقترب من عبد الغنى وهو يقول حقك علينا يا ابو  
جاسر.

( الشباب من العائلتين تسلم على بعض وتتصالح )

شاب من عائلة عبد الغنى لخصمه وهو يسلم عليه :  
يعنى لازم تلاقوا الولد يعطا ذلك - سنتين والواحد مارفع  
نبوته عاوزين نتمرن.

عطا : الجاى كتير بس انت يا حافظ كنت بتضرب  
بغشم.

حافظ : الشكلة ليه ساعة ولا واحد اتعور.

عطا : ما كل واحد بينزل على صاحبه بحنية.

حافظ : المجاملة بقت حتى فى الخناقات.

## المستشفى

(تفيق صباح من البنج فتجد نفسها فى المستشفى  
وبجوارها يرقد اخيها على سرير آخر لم تفهم ماذا حدث)

تنظر إلى أخيها وتنادى بصوت واهن: عامر عامر

عامر يصحو وينظر إليها وهويبكي : سامحيني يا اختي

صباح : انامش فاهم حاجة انت انقذتني ليه

عامر: مش انا اللي انقذتك

صباح : امال مين

عامر: الاستاذ حمدى هو اللي...

يدخل الدكتور حسام وحمدى وابيه وامه

حمدى : حمدلله على سلامتك يا صباح

عامر: سامحنى يا استاذ انا كنت اعمى وخلي صباح

تسامحنى

صباح: هو ايه اللي حصل انا مش فاكر غير انا قطعت  
شرايبيني .

حمدى: انا اتأخرت علشان قلت اروح اجيب ابويا  
وامى يشاركونى فرحتى والحمد لله لو اتأخرت خمس دقائق  
كان دمك اتصفى .

ينظر إلى عامر رغم ان عامر هو اللي كان عاوز يقتلك  
هو اللي انقذ حياتك .

صباح باستغراب : عامر أنقذ حياتى

دحسام: انتى نزفتى دم كتير وكنا محتاجين لدم،  
الحمد لله فصيلة دم عامر طلعت مناسبة لفصيلتك وقال:  
خدوا الدم اللي انتوا عاوزينه .

صباح تنظر إلى أخيها ودموع تملأ عينيها: يعنى صدقت  
إنى مظلومة يا عامر .

عامر: اللي تضحى بحياتها علشان تنقذ اخوها عمرها  
ماتعمل الغلط .

حمدى: ولو انا ما واثق فى أخلاقها مكانش جيت  
أخطبها

والد حمدى : احنا بعتنا العربية تجيب ابوكى وامك  
علشان نطلب إيدك منه .

يدخل الاب والام وهما يبكيان ويرتميان على سرير صباح

الأم : سامحيني يا بنتى انا المفروض مسمعش كلام الناس

الاب : كلنا غلطنا فى حقك يا بنتى

صباح تمسك ايد ابوها وتقبلها وهى تبكى : انا عارفه يا

ابويا ان صوت خيرى اعلى من اى صوت ربنا ينتقم منه

الاب : ربنا انتقم منه كان عاوز يفضحك ربنا فضحه

فى اخته

عامر : كيف يا ابا؟

الأب : العيال لقوها مع واحد غريب قتلهم وقتل نفسه .

حمدى : ان ربك لبالرصاد

ابو حمدى : يسعدنا يا ابو عامر نطلب ايد بنتك لابننا

الاستاذ حمدى

ينظر الاب إلى عامر ويهز عامر رأسه بالموافقة وهو يبتسم ،

ابو عامر : البنت بنتك والولد ولدك .

ام عامر تزغرد ..... ابو عامر: (بغضب) اتکتمی یا ولیه

ابو حمدی: سیبها تفرح یا حاج.

ابو عامر: المیت واخته برضه اولاد عمک یا عامر

عامر: بس دا کان عاوز....

ابو عامر: بس ود عمک یا ولدی

ابو حمدی: مبروک یا حمدی مبروک یاصباح واحنا لینا

قعدة مع بعض الأسبوع الجای

( العمدة وابو ربيع يودعان الضابط والعساكر )

العمدة: عاجبك الاحراج دا يا معلم.

الضابط يقول على ايه انى بتسر عليك

ابو ربيع : وكمان بتستر عليه هو يا عمدة

العمدة: شوال مخدرات يا مفترى.

أبو ربيع : ما هي دى الحقيقة وابن اخوك النايب عارف وهو عارف انى عارف انه تاجر آثار، ومأمور المركز شريك ابن اخوك واللى حاميهم راجل كبير فى الدولة.

العمدة: أسلوبك دا مينفعش معايا، أنا ممكن.....

ابو ربيع : عمدة، الناس اللى النايب مستقوى بيهم أنا وصلت ليهم، وبلغ ابن اخوك ان دى اخر دورة ليه فى البرلمان، الكرسي كان زمان بالاصوات، دلوقتى بالمزاد، وانا دخلت المزاد، سلام يا عمدة، على فكرة يا عمدة طول ما انا جنبك ساند لك الكرسي لو بعدت عنك الكرسي هيقع وانت عليه.

( ينصرف ابو ربيع ويترك العمدة والخفر )

العمدة: شايقين يا خفر الزمن عمل فينا ايه ابن  
التمر جى بقى يتحكم فينا.

خفير: هو مش دا كان شغال فى الدوار وهو صغير

العمدة: ايوه كان بيرعى المواشى.

خفير آخر: وايه اللي رفعه الرفعة دى.

العمدة : كان شغال فى الكويت عند امير ولما صدام  
احتل الكويت أغلب أهل الكويت سابوا بيوتهم وهربوا،  
هو قعد نهب وخبئ الذهب اللي سرقه، ولما البلد هديت  
رجع ومعاه ملايين، واللى كان بيضربوه بالجزمة بقوا  
يلبسوه الجزمة طيب يا سنوسى الكلب.

خفير: هو اسمه سنوسى.

العمدة: دى اسمه قبل ما يروح الكويت الناس لما عرفت  
انه بيزعل من دا الاسم بينادوه ابو ربيع.

ابو ربيع يدخل البلد يتجه إلى قصره فيجد النار مشتعلة  
فيه يجرى بسرعة وسط الناس ورجال المطافئ وهو ينادى  
بأعلى صوته : ربيع .

عرابى وهو يبكى انت فين يا معلم: النار حرقت كل  
حاجة

ابو ربيع : ربيع وين ؟

عرابى يتلعثم : هه هو هو كك كان مستخبى فى الجنينة  
لما ولعت واتحرق فى الولعة .

ابو ربيع يقع على الأرض: هوفين

(عرابى يشير إلى الجثة المغطاة بملاية)

ينظر ابو ربيع إلى الجثة ويحاول ان يقف فلا يستطيع ،  
يساعده رجل على الوقوف ، يقترب من الجثة ويرفع الملاية  
ويصرخ : ربيع ، ربيع مات وانا اللى قتلته ، يصرخ ربيع

رايح وين ربيع وسيبني هو انا بعمل دا كله لمين، ويقوم  
بتمزيق ملابسه، يصرخ : ربيع مات لا مش مات

رجل : لاحول ولا قوة إلا بالله كل شئ راح فى لحظة  
المال والولد.

رجل آخر: هي دي آخرت القرش الحرام.

(المكان مندرة العمدة)

العمدة : نورت البلديا سيادة الوكيل.

وكيل النيابة : ايه الحكاية يا عمدة من خمس سنين  
ما دخلت البلد في ليلة واحدة تلاتة مقتولين، وواحد  
محروق.

العمدة : الحريق دا قضاء وقدر، تلاتة دول واحدة ماشي  
بطل اخوها قتلها هي وعشيقها وانتحر

وكيل النيابة : الطبيب الشرعي هيكتب تقريره وبعد كده  
نصرح بالدفن، بس عاوز اقرب الناس للضحايا.

العمدة: ابو الولد اللي اتحرق جن وحبسناه وهنبعته  
للسرايا، وعم البنت واخوها في المستشفى والحاج عطا الله  
ينوب مكانه هو عمها برضه.

(حجرة محو الامية)

الاستاذ ابراهيم : مش خلاص اتعشيتوا وشربتوا الشاي  
وشيشتوا يلا مع السلامة.

وهبة : انت بتطردنا يا استاذ هو دا جزاء المعروف.

ا- ابراهيم : معروف ايه انا صرفت عليكم اكثر من المرتب

بشير : المثل الصينى بيقول ( اذا دخلت فلا تغلق الباب  
فربما تخرج مسرعا من نفس الباب)

ا- ابراهيم : يعنى ايه

حمد : يعنى اللى مش عايز وشه النهارده بكرة تحتاج لقفاه.

ا- ابراهيم : ولا وشكم ولا قفاكم دا انتوا ذلितونى الليلة،  
انا لوجبت بتلاتة جنيه حلاوة كان لميت عيال البلد كلها.

بشير: على كل حال احنا متشكرين على حسن الضيافة،  
وأحب اقولك ان الاستاذ المتولى الرشيدى اتعرف علينا،  
وعرف انك مزور وانه مش كان جاى ليك متابعة، دا كان  
جاى الفرح، وانه بيقول لك انه طلع معاش من شهرين.

والسلام عليكم ويخرج الشباب مسرعين.

ابراهيم : مرتب الشهر راح اونطة.

## وتشرق الشمس

الوقت صباح ، الشمس مشرقة ، الأهالي يشيعون الجنازات ،  
 اهل حسن يرفضون دفنه ويتم دفنه فى مقابر القرية مع  
 خيرى واخته ، والطفل ربيع نعشه صغير واكثر اهل البلد  
 خلفه - ومن خلفهم الاطفال جاسر وعبد الله ورزق وصالح  
 ومهدى.

جاسر: يهمس لعبد الله شايف خليفة المعفن راح المدرسة  
 ومش حضر دفنة صاحبه

عبد الله: مش وقته الكلام دا

صالح: هو النهاردة مفيش مدرسة اصلا علشان الجنازات

عبد الله: دا أكيد نايم.

رزق - ينظر اليهم - ويهمس: خلوا عندكم دم احنا فى  
 جنازة....

## ٤١

(قبل شروق الشمس)

العمدة في المنذرة وحوله أعيان البلد

العمدة : يا غفير هات الراجل اللي عامل نفسه شيخ  
من غرفة الحجز.

الغفير : هو ابو ربيع المجنون معاه فى نفس الاوضة.

العمدة: يا حمار ابو ربيع سلمناه للدكتور بتاع الصحة.

علشان يسلمه لسرايا المجانيين ربنا يوعدك

( ينصرف الخفير لاحضار المتهم )

الحاج عطاالله : هو حضرتك يا عمدة عارف كان عند  
مين فى البلد

العمدة: كان عند حسنين الجرجاوى وانا بعتله

( يدخل الخفير ومعه الشيخ علام )

العمدة بسخرية: اهلا يا مولانا نورت البلد.

الشيخ علام: منوره باصحابها.

العمدة: انت كنت جاي البلد ليه يا - هو انت اسمك ايه

الشيخ علام : انا اسمي علام الفاوى وكنت زيارة عند صديقى حسنين الجرجاوى.

العمدة: متعرفش مين اللى ضربك وليه ضربك.

الشيخ علام: لا ماعرفش مين اللى ضربنى اما ليه يمكن افكر معايا فلوس.

العمدة: معنى كده انك مكانش معاك فلوس.

الشيخ علام: فلوس هو انا لومعايا فلوس آجى بلدكم انا جاي اتسلف من حسنين الجرجاوى طلع مفلس زى

العمدة. الضابط بيقول عليك نصاب ومطلوب فى كذا قضية

الشيخ علام: والله لو معاه دليل انى نصاب يقبض عليّ.

العمدة: انا لازم اسلمك إلى المركز.

الشيخ علام: من غير تهمة على كل عموم أهى مواصلة بلاش للمركز.

العمدة: رجعه الحجز يا خفير.

الحاج عطاالله : وايه اللى بيحصل فى البلد يا عمدة.

العمدة: احنا لازم ننضف البلد مرة واحدة.

الحاج عطية: اهينا خلصنا من ابوربيع بتاع المخدرات  
اللى - كان - صداع

العمدة - يهب واقفا - وينادى على الخفير حجاجى.....

( يدخل الخفير حجاجى )

العمدة ياخذه على جنب ويهمس فى اذنه انت وديت  
البضاعة وين

حجاجى يتلعثم : ببضاعة ايه.

العمدة : البضاعة اللى قالك ابوربيع وديها البيت

حجاجى : ما انا وديتها البيت عنده

العمدة : انت كداب انت قبل ما توصل بيت ابوربيع  
كانت النار بتحرق البيت.

البضاعة لو ماجات فى نصف ساعة القضية جاهزة  
(سرقه سلاح ميري )

حجاجى : وعلى ايه ، البضاعة فى اوضتك تحت السرير

العمدة : هات منها شوية نشيلها للشيوخ علام ، احنا  
نوديه المركز فاضى.

بعد يوم من تشييع الجنازة

الشمس ساطعة والسماء صافية- والاطفال وسط الزرع  
يتجهون إلى مدارسهم واثم يتجهون إلى حقولهم.

حمدى يقود سيارته وهى تحمل صباح وعامر ووالد  
حمدى وامه متجهين ناحية بيت ابو عامر.

جاسر يلبس ملابس المدرسة ويحمل حقيبته فى طريقه  
إلى المدرسة، عبدالله ينتظره هو صالح وبرسى ورزق وخليفة  
ومهدى.

عبدالله ينظر إلى جاسر ويقول : انت السبب فى كل  
اللى حصل.

جاسر بغضب: عبدالله اصتبح وقول يا صباح مش انت  
اللى قلت نلعب غميمية.

برسى: واحنا ايه اللى خلانا نبطل حرب النجوع غير  
خيانتك، دم ربيع فى رقبته

جاسر: ليه انا قلت لابوه تاجر فى المخدرات.

رزق مستفسرا : وايه دخل المخدرات بالحريق.

جاسر: علشان انتوا عيال مش عارفين خبايا البلد ابورييع مخبئ المخدرات فى الجنينة وافتكر البوليس جاى يقبض عليه حرق الجنينة بالمخدرات وابنه كان مستخبئ فى الجنينة.

عبدالله : يعنى هو اللى حرق ابنه.

وانت مين اللى قاللك الكلام دا.

جاسر: انا بقعد مع الكبار واسمع.

عبدالله: اوعى تكون قلت ليهم على اللى شفناه فى العشة، انا عارف لسانك فالت.

جاسر : ما البلد كلها عرفت.

عبد الله : بس مش شافت اللى شفناه.

جاسر يضحك ويقول: رحى ما سك فى المرة افكرتها انت، قلت يا ماكل ابوك، هو عبدالله المعظم بقى طرى كدا ليه.

عبدالله: انا معضم انا غلطان اللى ما سبته يغرقك فى البحر.

جاسر يرفع صوته : يغرقنى ولا هو ولا عيلته يقدر.

عبدالله : ذلك بقيت راجل ماكنت بتعيط زى البنت.

جاسر: انا زى البنت يا عبدالله ، ويرمى الحقيبة لو  
راجل اطلع كباس - مصارعة -

عبدالله: من اليوم مفيش غميمية فيه مواجه ، ويرمى  
حقيبته ويصرخ ويقول: الفارس ينزل فى الميدان هات  
فريقك يا جاسر ويمسك فى جاسر ويتصارعان وسط حلقة  
من الاطفال.

**تمت**

# تعريف بالكاتب

حسين إبراهيم شحات

الشهرة حسين الوردانى

من مواليد قرية المنصورية محافظة أسوان

يعمل مدرس أول لغة عربية بإدارة الوراق التعليمية

طبع له : كتاب طرائف ومواعظ عن الموت

مجموعة قصصية الكوبرى

تحت الطبع :

مسرحية سميرة الأحزان

نشر قصص قصيرة فى صحف مصرية

العنوان ٣ شارع سيد مغاورى - من شارع سمير جواهر

بشتيل الجيزة

محمول ٠١١١٩٦٤٦٧٤٦ - ١٢٢٢٨٧٢٣٧٠

